

محمد حسين

الخامس

لا تقرائني فقد تصيبك لعنتي ٣



دار
البوكر
النشر الإلكتروني

البوكر للنشر الإلكتروني

الخامس

لا تقراني فقد تصيبك لعنتي 2

-مجموعة قصصية-

للكاتب: محمد حسين

إسم الكتاب: لا تقرأني فقد تصيبك لعنتي 2.

نوع الكتاب: مجموعة قصصية.

إسم الكاتب: محمد حسين.

تصميم الغلاف: Malek TK.

الناشر: بار الكتب للنشر الإلكتروني.



بار الكتب للنشر الإلكتروني

"لا يجوز إقتصاص أي جزء من هذا الكتاب بهدف إهدار
حقوق الملكية الفكرية أو إعادة إنتاجه بأي شكل دون إذن
خطي من المؤلف و إلا يعرض نفسه للمسائلة القانونية"

إهداء

إلى كل من حاول أن يبقى بجانبني.. رغم دفعهم بعيداً..

تنويه

هذا الكتاب يحتوي على قصص ليست حقيقية
و لن تجد شياطين ولا جان حولك و أنت تقرأ
و هي خالية تماماً من أي طلاس حقيقية
و أبطالها لا يعيشون بيننا لأنهم من خيال المؤلف
و حتماً هذا الكتاب لا يحمل أي لعنة...

(1)

الخالة يسرية

الخالة يسرية

كم أحب معسكر الجامعة و الجواله و رحلات التخيم و الشواء و أبراج المراقبة، كل تلك الأشياء تجعلني جواله حتى النخاع، لكن كوني جواله لا يمنع أني أبغض تلك الفقرة كل معسكر.. حلقة الرعب، تلك الفقرة التي نجلس فيها دائرة حول النار وكل منا يحكي قصة مرعبة حقيقية حدثت له، و سبب كرهني لتلك الحلقة هو أن قصصي المرعبة – على الاقل بالنسبة لي- تكون قصصاً مضحكة لأصدقائي و السبب الآخر هو قصص شروق، تلك الجواله الجديدة التي تأخذ الأضواء في المعسكرات التي أصبحت تحضرها معنا مؤخراً، و سبب سرقتها للأضواء هي أن قصصها مرعبة حقاً، قد تجعل أعتى شبان المعسكر يهابون النوم لعدة ليال، فما بالك بفتيات الجواله الرقيقات...

ها هي تلك الشروق تتأهب لتتلو علينا قصتها الجديدة، كل منا جهّز كوبه الساخن بمشروبه المفضل، المخطوبون والمحبون جلسوا بجانب بعضهم ليزيدوا بعض إطمئنان.. أو توتر.. و كعادتي أجلس أنا بجانب مصدر الإزعاج ذاته لأضمن سلامتي، فصاحب القصة هو الأجرأ دائماً، جلست بجانب شروق التي رشفت عدة رشفات ساخنة من شايتها الأخضر ثم تنحنت و سألت:

- جاهزون؟

أوما الكل برأسه لتبدأ أولاً بتلاوة آية الكرسي، فيقلدها بعضهم حرصاً و إطمئناناً و قد نجحت في بث الرعب في الأرجاء قبل أن تنطق بحرف، أنهت تلاوتها و بدأت تقول:

" اليوم سوف أكي لكم قصة من الأرياف قبل أن أحضر و أهلي للمعيشة في القاهرة، بالرغم من أنها قصة قديمة إلا أنني لم أنسى أي تفصيلة بها، كنت ابنة عشر أعوام لا أكثر، في تلك الفترة تردد على سمعي جملة (الخالة يسرية ملبوسة) لم أكن أفقه حينها معنى ملبوسة، الخالة يسرية هي جارتنا في الطابق الأعلى بالدار، كل ما عرفته حينها أن (شئ ما) يحضر عليها فتهرع أسرتها

بالكامل للإختباء في بيتنا مذعورين بينما يهرع أبي و عم سعيد زوج الخالة يسرية لإحضار الشيخ حسنين الذي يتلو بعض آيات القرآن فتهداً الخالة يسرية و يعود كل شئ طبيعياً حتى يحضر (الشئ) مرة أخرى ، كانت أمانى ابنة الخالة يسرية هي صديقتي المفضلة بحكم جيرتنا و تقارب أعمارنا، سألتها و نحن نلعب ذات مرة ما الذي يحدث لوالدتها و ما معنى (ملبوسة)؟ فقالت أنها لا تعرف معنى ملبوسة لكن عندما يحضر (اللي عليها) تتحرك بحركات غريبة و تصدر أصوات غريبة و تقوم بتكسير الأشياء و ضرب و لطم نفسها بدون سبب، و عندما يحضر الشيخ حسنين و يتلو القرآن و يرحل (اللي عليها) تعود لطبيعتها و قد نست كل شئ..

في هذه الفترة حضر الشيخ حسنين إلى دارنا كثيراً، فما يمر إسبوع إلا و يحضر من عليها فنحضر الشيخ حسنين ليصرفه و تعود الأمور لطبيعتها بعد عناء، بعد تلك الفترة كان هناك تصليحات في الطابق العلوي فانتقلت أسرة الخالة يسرية للطابق السفلي بالدار حتى تتم الإصلاحات، إعتدنا على صوت الطرق والسحب و إلقاء الأشياء طوال تلك الفترة، ذات يوم أرسلتني أمي لأشتري بعض الحاجيات كواجب ضيافة للعمال بدارنا، هبطت بضع درجات لأجد أمانى.. ملصقة ظهرها للحائط، جسدها ينتفض، يعلو وجهها أعتى علامات الفرع، فاعرة فاها و عيناها تكاد تقفز من محجريها، نظرت لما تنظر إليه فكانت شفتهم، بالتحديد إلى غرفة النوم، سألتها عما هناك فأشارت بيد مرتعشة إلى الفراش دون أن تنطق بحرف، تحركت ببطء و قلبي يكاد يقفز من بين أضلعي خوفاً لأجدها.. الخالة يسرية على فراشها.. مقيدة بلا قيود.. بؤبؤي أعينها بيضاء تماماً و مفتوحان حتى آخرهم كأن هناك يد غير مرئية تجبرهما على الرؤية، و يديها.. ملويتين خلف ظهرها لوي لا يستطيع الإنسان العادي أن يلويها بنفسه، هناك يد.. بل أيدي غير مرئية تلوي يديها خلف ظهرها عنوة، و إصبع غير مرئي يخترق خشمها كاشفاً عن أسنانها التي كانت تشلب دماً، و أنين مكتوماً يخرج من حنجرة مكتومة بيد أخرى غير مرئية، تتلوى الخالة يسرية في قيدها الخفي على فراشها، لم أعرف ما هذا ولا ماذا أفعل.. نظرت لأمانى و سألتها:

- ما معنى هذا؟

فردت:

- بركو ماصيشس..

لم أفهم ما قالت له لكن ما إن نطقت تلك الحروف حتى جذب الخالة يسرية شئ ما لتقف أمامنا على الفراش رغباً عنها، البؤبؤ عاد لعينيها لكن كان أوسع.. و أكثر سواداً، و شعرها أصبح أبيضاً كالثلج و إمتدت خطوطاً سوداء أسفل عينيها و سال الدم من فمها و صدر منها صوتاً غليظاً ما إن خرج حتى إخرقت أذني صافرة دامية جعلتني أسقط أرضاً.. و لم أدري بنفسي حينها..

إستيقظت بعدها في حضن أمي، في شقتنا، على صوت تلاوة الشيخ حسنين لبعض آيات القرآن، و ما إن إستيقظت و سألت عما هناك إنشرح الجميع و قال لهم الشيخ حسنين من بين أسنانه المتآكلة مطمئناً أنني سأكون بخير و باركهم بإبنتهم ذات القلب الصلب و أنني سأكون امرأة قوية ذات يوم، عندما تذكرت ما حدث و سألت عن الخالة يسرية نهرتني أمي قائلة:

- بسم الله الحفيظ، يا بنيتي خالتك مريضة ولا يصح أن تتحدثي عن مرضها مطلقاً لأن ذلك من الممكن ان يؤذيها، لا تنبشي ولا تفتحي تلك السيرة مرة أخرى.. مفهوم؟

- حاضر يا امي..

لكن لم يكف عقلي الفضولي عن محاولة الفهم، و لم أتوقف عن محاولة تذكر الكلمة التي قالتها أمانى، برغم ذلك لم أقوى على سؤالها خوفاً من عقاب امي..

مرت عدة أشهر بعد ذلك اليوم و عادت الحياة إلى طبيعتها إلى حد كبيراً بعد أن إنتهت الإصلاحات و عادت أسرة الخالة يسرية إلى طابقم العلوي، في يوم ما بعدما غابت شمس الظهر ذهبت أستيق مع أطفال الجيران، و لأنني كنت طفلة بدينة كنت دائماً ما أصل متأخراً لخط النهاية و أعود لخط البداية الأخيرة، ركضت بكل ما أوتيت من القوة إلى خط النهاية لأفقد في الربع الأول من الطريق لخط البداية فأكملت الطريق مشياً فقد خسرت على كل حال، و أنا أقترب من خط البداية شئ ما قفز الكلمة في رأسي!

- بركو ماصيش!

نطقتها بذهول لأراها فجأة أمامي.. على بعد الكثير من الأمطار لكنني أقسم أنها هي.. الخالة يسرية!

وقفت بشعرها الأبيض المبعثر وسط الطريق و أشارت عليّ وصرخت:

- تلك هي...

تجمدت مكاني بعد أن تجمد جسدي و تجمدت الدماء في عروقي، لقد أشارت عليّ، تخبر من عني؟ و لماذا؟ فجأة ركضت كعداء نشيط إلى... الحائط! أعلم أن الشمس بدأت تغيب، أعلم أنها كانت بعيدة، و بالتأكيد أدرك أن ذلك ينافي حدود المنطق لكن أقسم لكم أن هذا ما حدث.. قد إخترق جسدها الحائط كأنها عبرت باب.. لا أشعر بقدمي ولا أعرف ماذا عليّ أن أفعل، هل أعود إلى خط النهاية و أنتظر حتى يتسابقون مجدداً و أعود معهم، هل أركض إلى المنزل دون النظر لذلك الحائط؟ ماذا أفعل؟

ظللت متجمدة في مكاني لا أقوى على الحراك فالشارع فارغ سوى مني و من أصوات القطط المتسللة و أصوات الهواء التي تزيد الموقف رعباً و قد تخرج في أي لحظة من أي مكان تماماً كما إختفت، لا أعرف كم مر من وقت و أنا في مكاني اموت رعباً لكني رأيت أُمي تهرول إليّ من آخر الطريق حين حل الليل و صرخت في وجهي:

- ماذا تفعلين في الخارج بمفردك كل هذا الوقت؟

- إنها... إنها الخالة يسرية...

- ما لها خالتك ؟

- طلعت لي!

لطمتني على وجهي و هي تقول:

- قد طلبت منك ألا تتحدثني في هذا الأمر فقد يزداد سوءاً بالحديث، الخالة يسرية جالسة معي منذ رحلتي و لم تغب عن عيني للحظة.

و جرتني من يدي جراً للمنزل و هي تتوعدني بأشد العقاب إن تأخرت أو فتحت موضوع الخالة يسرية مرة أخرى، و ما إن دخلنا بوابة الدار حتى وجدناها.. الخالة يسرية كما شاهدها اليوم.. شعرها أبيض مبعثر، وجهها مسوداً، طفح أسود أسفل عينيها، و دماء تشدق من فمها، ركضت أُمي تجاهها و هي تأمرني أن أذهب لدار الشيخ حسنين بسرعة و لا أعود إلا و هو معي بينما ساندتها أُمي معوانة إياها على الصعود، ركضت أنا لمنزل الشيخ حسنين و طرقته بعنف، فتح لي و قد بدى عليه المرض الشديد، قصصت عليه ما

حدث فاعتذر مني لمرضه الذي يحتم عليه الإلتزام بالمنزل، و أمرني أن أتجه لدار الشيخ خالد بعد أن وصف لي مكانه، و قال كأمي، لا تعودني إلا و هو معك..

ركضت بتعب حتى دار الشيخ خالد، فتح لي شاب وسيم ذو جلاباب نظيف و مهندم و ينبعث منه رائحة طيبة على عكس الشيخ حسنين، تلوت عليه ما حدث فابتسم و إرتدى خفه و أمسك بيدي طوال الطريق، ظل يمازحني بخفة حتى لا أرتعد إلى أن وصلنا.. توقف أمام باب الدار و سرت قشعريرة في جسده و ظل يتمتم و يتمتم و هو مغمض العينين حتى فتحهما فجأة مندهشاً و هو يقول:

- بركوماصيشس!

إرتعدت أنا، كيف له أن يعرف تلك الكلمة! شعرت بتردده في الدخول فتذكرت كلمة أمي و الشيخ حسنين فأمسكت بيده و جذبته للداخل، تقدمنا عدة خطوات قبل أن يقول:

- سأتوقف في شفتكم أشرب القليل من الشاي ثم سأصعد إليها.

حسناً الغريب في الأمر أنني لم أخبره أين نسكن و أين تسكن هي، لم أخبره أصلاً أنها جارتنا، لما ظن ذلك فقد تكون أمي! لم أنطق بكلمة و فعلنا ما قاله، دلفنا إلى شقتنا حيث أبي و بقية أخوتي، جهزت أكواب الشاي و وضعتها أمامهم، قطع الشيخ خالد حديثه مع أبي و سألني:

- هل عندكم خرطوم مياة؟

- تقصد خرطوماً عادياً، الذي نوصله بالصنبور؟

- هو ذلك.

- نعم اعتقد أنه بالداخل.

نهضت إلى الداخل جففته جيداً و ناولته إياه فقال:

- لا، ستصعدين أنتي الآن بعد أن تخفيه جيداً في ملابسك، و عندما أصد بعدك و اشير لك ستعطيني إياه بسرعة و تركضين هنا لأبيكي.. هل تستطيعين فعل ذلك؟

- نعم اعتقد ذلك.

ساعدني هو و أبي في إخفاء الخرطوم جيداً و صعدت بخطوات بطيئة كي أسترق السمع، سمعت الخالة يسرية و أمي يتحدثان، بأصواتهم الطبيعية لحسن الحظ، فصعدت و جلست بجانب أمي، لكن منذ ظهرت ظلت الخالة يسرية محدقة بي بغضب حتى قالت امي:

- ماذا هناك يا يسرية ، ستأكلين البنت بعينيك!

لم تلتفت لها يسرية و لكنها قالت من بين اسنانها:

- قد أحضرتي خالد؟ هل هو من سينفعل!

إرتعدت و إرتعش جسدي هلعاً، كيف لها ان تعرف بامر خالد إنه لم يصعد حتى! أكملت بصوت اشد غلظة:

- و الخرطوم الذي معك هل هو ما سيحكمكم!

هنا إنتفضت أمي جاذبة إياي لنتوقف ثلاثتنا فجأة، لكن الخالة يسرية صرخت بشئ ما غير مفهوم لنُقذف أنا و أمي باتجاه الحائط، صوتها يزداد غلظة و حركتها تزداد عنفاً فوجدنا الشيخ خالد و أبي قد هرعا إلينا، دخل الشيخ خالد الشقة و هو يرتل آيات القرآن و يقذف بسائل ما طيب الرائحة من زجاجة تحملها يديه، ظل يرتل و يرتل و يرتل و يأمرها أن تخشع لما تسمعه ، أمر أمي أن تلفها بملائة غصباً لأنها أنثى مثلها، لم تقدر أمي فظل يرتل و يرتل و يأمرها و عنفها يزيد و يزيد و أصوات كثيرة تخرج من فمها حتى قُذفت إلى الحائط، و التوت يداها خلف ظهرها بقسوة رغماً عنها، و إصبعاً إخترق فمها و جذب خدها حتى سكنت أصواتها، و ظهرت بصمات أصابع خفية على رقبتها تخنفها حتى سالت الدماء من فمها... و هنا لم أشعر بنفسي، و فقدت الوعي"

حين وصلت شروق في حكايتها إلى هذا الحد كان الرعب هو المسيطر الوحيد، صرخ الكل فرحاً بالقصة و لإصدار صوتاً جماعياً يبدد الخوف، لكن ياسمين، تلك الساقطة سألتها عما حدث بعد ذلك فقالت:

- الحياة عادت طبيعية بعد أن رحلت أسرتها من القرية ثم أسرتنا بعد عام، لكن كل ما تأتي سيرة الخالة يسرية أحدا يراها صدفة في الشارع.. في كل مرة.

- و ما معنى تلك الكلمة التي قالتها أمانى ثم خالد؟

- علمت بعد ذلك أنها إسم الجن الذي يركبها، و أن بمجرد لفظ إسمه يحضر في الحال.

صرخت الفتيات خوفاً فقالت شروق مطمئنة:

- لا تقلقوا أنا بالتأكيد لم أقول لكم الإسم الأصلي.

ضحك الكل على القصة و أخذوا يختارون من الراوي التالي.. بينما..
شروق... ظلت ناظرة لشئ ما في ظلام المعسكر... شئ ما ظل ساكناً
للحظات قبل أن... يلتفت مغادراً...

تمت

(2)

فيلم رعب

فيلم رعب

أهلاً بكم مرة ثانية في برنامج " حدث بالفعل " مع المذيع و الباحث في عالم ما وراء الطبيعة " نادر عيسى " , أولاً أحب أعتذر على الغياب الطويل بس إحنا مرينا بأحداث كثير خلطنا ننشغل عن تقديم الحلقات في معادها , أحب أعرف نفسي للي أول مرة يسمعنا , أنا نادر عيسى , باحث في عالم الماورائيات , و رئيس فريق " Paranormal " للبحث في الخوارق و ما وراء الطبيعة , بيشاركني في الفريق " سامح عبد الحي " و " رغد سميح " , و البرنامج دة فكرته إننا بنحكيلكوا عن حاجات حصلت فعلاً , و لما بنقول هنا حاجة بنبقى متأكدين منها بنسبة متقلش عن 95% , متنسوش تبعقولنا تجاربكوا الشخصية على الـ Email أو على عنوان مكتبنا بوسط البلد , و م تنسوش تتابعونا على فيسبوك و تويتر و انستجرام ... يلا نبدأ

قصة النهاردة بقى حقيقية 100% , و دة لأننا إحنا كنا أبطالها , أنا و "سامح" و "رغد"...

سمعت عن أفلام كثير ملعونة , ممثلين بيموتوا ... أماكن تصوير بتتحرق ... سينمات بتولع ... أصوات غريبة بتتسمع وقت التصوير ... و كل ما أفرج على فيلم من دول أعرف إن كل دة بيبقى مجرد Show مش أكثر عشان الفيلم يتشهر , بس في فيلم معين ناس كثير دخلته و بعثتلي إنهم شافوا حاجات مخيفة و مرعبة كثير , و حاجات مش طبيعية أكثر أثناء عرض الفيلم , فقررت أنا و سامح ناخذ بعضنا و نروح نشوف إيه الغريب إلي بيحصل في الفيلم , أقرب سينما كانت بتعرض الفيلم كانت بعيدة شوية , المهم ... روحنا حجزنا التذاكر و دخلنا , لفت نظري حاجة مهمة , الناس اللي شغالين في السينما بيتجنبوا يدخلوا القاعة اللي معروض فيها الفيلم دة بالذات , محتطش في دماغي أوي يعني , بعد ما الناس دخلت و الأنوار إتطففت , الفيلم بدأ بتحذير "هذا الفيلم مأخوذ من قصة حقيقية" و بدأت أحداث الفيلم

بنت في سن المراهقة حصلها تلبس من الشيطان او الجن , أوزي ما بنقول بالعامية "إتلبست" بدأت البطلة تعمل حاجات غريبة و حركات أغرب و بتتكلم بلغة غريبة مش مفهومة ... آل يعني طلسم , بس عملت حركة غريبة و .. مرعبة .. تنتت ضهرها لورا , و طت بالمقلوب , و طت لورا يعني , بيني

و بينكوا الفيلم فعلاً كان مرعب , مكانش زي أي فيلم شوفته , من كتر
الخوف مكنتش عارف إذا كان الفيلم سبب الرعب دة ... ولا حاجة تانية ...
في الفيلم عيلة سوزان اللي الشيطان متلبس جسدها جابت شخص المفروض
إنه يطلع الشيطان من جسد سوزان , و مع بداية الشخص دة في عمل
الطوقس بدأت سوزان تصرخ و تقول برضه كلام بلغة غير مفهومة ... بس
المرّة دي ... آآآآ... في صوت ورايا بيقول نفس اللي هي بتقوله ... ووو
جمي.. جمبي ... و في آخر الصف ... و فجأة مجموعة بنات تقريباً من نفس
سن سوزان بدأوا يقوموا واحدة ورا التانية و بدأ صوتهم يعلى و هما بيقولوا
نفس اللي سوزان بتقوله و بدأوا يتحركوا يمين و شمال بدون توازن زيها
بالظبط و مرة واحدة عملوا كلهم حركة إتسببت في كتير من الإغماءات ...
تنوا ضهرهم لورا ... كلهم في نفس الوقت ... و النور قطع .

و لما النور رجع لقينا البنات فاقدين الوعي و واقعين على الأرض ... أنا
... أنا كنت خلاص هاي... و فجأة راجل وقف و قال "برافو برافو , حلو
أوي شغل الرعب دة , ممكن بقى نكمل الفيلم!" معقول! معقول الناس دي
بيعملوا كل دة عشان المشاهدة تزيد , بيلعبوا بأعصابنا يعني , لسة هزقق
لقيت حاجة مسكتني من دراعي ...

إتلفت بسرعة للي مسكني من دراعي لقيته سامح ...

- إيه يا عم خضتني.

- دة مش Show .

قلقت أكثر من جملته و طريقته و هو بيقولها فقولت:

- مش Show أيه بس ما أنت شوفت اللي حصل .

- ما أنا عشان شوفت اللي حصل بقولك دة مش Show , لو هو كدة
زي ما بتقول كان البنات سبقوا الممثلة أو هي سبقتم أو حتى سبقوا بعض ,
لكن دول بيتكلموا و بيتحركوا في نفس اللحظة بنفس السرعة.

- آي ... أيه اللي بتقوله دة يا سامح , يلا نمشي أنا أعصابي بـ ...
أعصابي بايظة.

روحتي و قعدت أتعشى مع مراتي و إبني و قعدنا نتكلم و نهزر لحد ما نسيت موضوع سوزان دة خالص , و دخلنا ننام ...

أول ما حظيت دماغي عالمخدة و غمضت عيني شوفت جارتني تانية ضهرها لورا , بالظبط زي سوزان ... أستغفر الله العظيم ... أعوذ بالله من الشيطان الرجيم , إيه اللي أنا شوفته دة , شربت كوباية مائة و حاولت أنام تاني , لما غمضت شوفت سوزان ... بتضحكلي , قومت من عالسير مفزوع و قولت مفهانش نوم النهاردة , دخلت مكتبي و قعدت أدور في الكتب و المخطوطات على حاجة زي كدة , تعويذة أو لعنة ممكن تتعمل في فيلم , لكن ملقيتش حاجة مفيدة .

تاني يوم خدت رغد و روحنا الفيلم تاني , لأن رغد أحسن مني في موضوع اللعنات دة برغم إني مبحبش أتعرف بكدة , أول ما دخلنا السينما و قطعنا التذاكر و دخلنا صالة العرض لقيت رغد بتقولي " مش واخد بالك إن اللي شغالين في السينما بيتجنبوا يدخلوا القاعة دي!" ... و هنا إتأكدت إنه Show و إنهم بيخلوا الناس يلاحظوا كدة عشان يخافوا قبل حتى ما الفيلم يبدأ , المهم , الفيلم بدأ , التحذير إن الفيلم مأخوذ من قصة حقيقية , سوزان و هي ملبوسة , الحركات و اللغة الغريبة الغير مفهومة , طارد الأرواح , و حركة الضهر المربعة , البنات بدأت تتكلم , البنات بتقوم , بصيت لرغد بقولها إيه رأي—... إيه دة !!!؟ رغد مش جمبي ... أو مش قاعدة جمبي ... رغد واقفة في الطريقة اللي جمبي بتتكلم و بتتحرك زي ... زي سوزان ... لسة هقوم أشدها لقيتها تند ... تنت ضهرها العكس ... زي سوزان و زي كل البنات اللي واقفين في الطريقة , و هنا أنا فقدت الوعي.

نادر , يا نادر , فوق يا نادر ... فتحت عيني لقيت نفسي في المستشفى و قدامي الدكتور , و سامح , و ... رغد

- رغد إااا ... إنتي ... إنتي...

- إهدى بس , إنت و رغد و ناس كتير أغمى عليكم في وسط الفيلم و الإسعاف جت نقلتكم كلكما هنا .

دة كان سامح , أما الدكتور فقال :

- متقلّش هتبقى كويس بس أنصحك متتفرجش على أفلام رعب تاني
طلاما قبلك خفيف كدة.

إستينينا لما خرج الدكتور , لسة سامح هيتكلم رحت مزعق و قايل " الفيلم دة
فعلاً ملعون , رغد نفسها إتاثرت من لعنة الفيلم و عملت زي البنات اللي
شوفناها إمبراح يا سامح , لازم ندور ورا الفيلم دة"

بص لرغد و سألها أيه آخر حاجة فاكراها ؟ سكتت شوية و قالت:

- سوزان و هي بتتكلم بلغة مش مفهومة.

بصيت أنا و سامح لبعض و قولنا في نفس الوقت "طلسم"

- طلسم بتقوله سوزان بيسيطر عالبنات اللي بتسمعه , لازم نروح الفيلم
تاني و نسجل الطلسم و نترجمه , قوموا يلا.

- نقوم فين يا نادر إنت عارف الساعة كام ! الساعة 2 بليل يعني آخر
عرض للفيلم فاضل ساعة و يخلص , أنا بايت معاك , اللاب توب أهوه
هنحاول ندور على القصة الحقيقية لسوزان زي ما الفيلم قايل هنا .

و رغد قالت:

- أنا كمان هبات معاكوا.

فتحت تليفوني و كلمت مراتي طمنتها و إطمنت عليها و قولتلها إني بايت برة
و لو عايزة حاجة تكلمني , و بدأت رحلة فريقنا في إننا ندور على قصة
سوزان الحقيقية , بعد ساعتين من البحث بدأنا نراجع المعلومات ألي جمعناها
...

الإسم أناليس ميثال , من مقاطعة بافاريا , عاشت أول 16 سنة من عمرها
حياة عادية , و عند سن 16 بدأت تظهر عليها أعراض غريبة , زي
الإرتجاج الشديد , عدم السيطرة على حركات جسمها و بعض أعضاء جسمها
بدأت تسمع أصوات و صرخات بتقولها " سوف تحترقي بجهنم" و بدأت
ترى أطياف غريبة حوالها , لما ودوها لطبيب نفسي قالتله إن في جسمها 6
شياطين , و لما منفعش العلاج النفسي حاول أهلها إقناع القساوسة و رجال

الدين بعمل جلسات طرد أرواح , و بعد محاولات كثير من أهل أناليس إقتنع رجال الدين و قرروا يعملوا جلسات طرد أرواح.

بدأت حالتها تسوء أكثر و بدأت تشتم أهلها و تعض اللي يقرب منها و ترفض الطعام و تقطع هدومها , و تنام على الأرض و تصرخ بهستيريا و بدأت تاكل أجزاء من جسمها و تاكل حشرات و حاجات مقرفة أكثر قررنا منكتهاش , و بعد فترة إمتدت لعشر شهور و هي بيتعملها جلسة أو جلستين إسبوعياً إتسجلوا على أربعين شريط , ماتت أناليس ميشال , بس سبب الوفاة حسب كلام و تقارير الطب الشرعي هو إنها قعدت إسبوعين مبتاكلش , و لما قرر القساوسة إنهم يسمعوا الشرايط تاني لقوا في شريط إن في شخصين بيتكلموا من جواها على لسانها بصوتين مختلفين واحد فيهم كان بيقول للتاني إنه هيخرج من جسمها و التاني كان بيعارضه و بيرفض خروجه تماماً , و الأصوات كلها كانت رجولية غليظة , القساوسة إعترفوا إنها كانت متلبسة من الشيطان , لكن دكتورها النفسي قال إنها كانت بتعاني من اضطراب نفسي شديد أدى لكل دة , و لحد الآن محدش يعرف الصح فين.

بس القصة دي قادتنا لقصة تانية إتعملت فيلم برضه و هي قصة ريجن , الطفلة اللي حصلها تلبس من الشيطان لحد ما قتلت طارد الأرواح اللي كان بيحاول يساعدها , و قادتنا دة لفيلم تاني إتعمل عن أناليس , و الفيلم دة قادتنا لقصة تالته و التالته قادتنا لرابعة , لحد ما رجعنا تاني للنقطة الأساسية و هي تلبس البنات بالشياطين في أعمار مختلفة , و كل القصص دي إتعملت أفلام , و كل الأفلام كانت ملعونة , و كل الأفلام طقم العمل بتاعها شاف الويل عشان يعملوا الفيلم , منهم اللي مات و السبب مازال مجهول , منهم اللي إحرق , منهم اللي إختفى , منهم اللي إتلبس , منهم اللي إتقتل , و دايماً في السينمات اللي بيتعرض فيها الأفلام دي بيحصل حاجات غريبة .

الصبح طلعت علينا و إحنا شغالين ... قررنا نروح نرتاح و بليل أنا و سامح هنروح السينما تاني و رغد هتستنانا في المكتب لحد ما نبعثلها الطلسم - لو مجرلهاش حاجة - تترجمه.

دخلت البيت و من غير حتى ما أغير هدومي إترميت عالسرير و نمت ... صحيت على مكالمة من سامح عشان أجهز و أقابله و نروح الفيلم , لبست و خدت الحاجات اللي ممكن نحتاجها هناك , و أنا خارج سمعت صوت "حسن" إبنني فقولت هروح أتطمئن عليه و أسلم عليه , عشان لو جوالي حاجة أبقي متطمئن عليه و شوفته ... و أنا بقرب من الأوضة صوته وضح , دة .. دة

طلسم سوزان ... بصوت أبني , دخلت بسرعة و أنا متخيل إنني هلاقيه ثاني
ضهره أو بيتحرك يمين و شمال بعدم إتران لكن ... لقيته طبيعي جداً ... قاعد
بيلعب باللعب بتاعته و بيقول الطلسم عادي , كأنه بيغني .

حسن , يا حسن , تعالى يا حبيبي ... حلوة الأغنية اللي بتغنيها دي يا
حبيبي مين علمهالك ... طبعاً أنا بقوله كدة و أنا مرعوب , لقيته بيقوله
"صاحبتني دي يا بابا" ... قال كدة و هو بيشاور ورايا , جسمي كله إتكهرب
حرفياً و بقيت مش قادر أبص ورايا من كتر الخوف ... بلعت ريق بيصعوبة
و أنا بقوله " شايفها دلوقتي يا حسن!" و قال آة , سوزان , أكيد سوزان ,
قولتله شكلها إيه يا حبيبي أو بتعمل إزاي؟ بدأ يوصفها و أنا مستعد إنها
تطلع سوزان , بس مكنتش متخيل إنها تطلع ... أنا ليس!!! بصيت ورايا
بسرعة بس مشوفتش حاجة , بصيتله ثاني و قولتله هي لسة موجودة؟ فقال
أيوة .

قولتله طب إسألها هي عايزة أيه , سكت شوية و راح معيط , إهدى إهدى
بس يا حسن , هي قالتلك إيه؟

فقال زعلت مني و راحت تلعب مع "رغد" ... رغد!!!! جريت بسرعة برة
الأوضة بس إفتكرت حاجة رجعتني ... طلعت موبايلي و ظبطه على
التسجيل و قولتله " قول الأغنية ثاني يا حسن"

وصلت أنا و سامح تحت العمارة اللي فيها المكتب و طلعتنا جري عالمكتب ,
دخلنا لقينا رغد قاعدة عالكمبيوتر و شكلها طبيعي مفيهوش حاجة , سألتها
إنتي كويسة؟

- أة كويسة في أيه؟ و بعدين مش المفروض تكونوا في السينما عشان
تجيبوا الطلسم ولا مقعديني هنا عالفاضي .

قعدنا و حكيئالها عالي حصل و قعدنا نتحاييل عليها تمشي عشان الطلسم
ميأثرش عليها بس إصرارها غلبنا.

قعدنا و شغلنا الطلسم على لسان حسن إبني , في أول مرة حسينا بهوا شديد
طير كل حاجة , ثاني مرة كان في دواير صغيرة بتولع عالحيطة و الأرض و
المكتب , سامح قال:

- خلاص يا جماعة بلاش الموضوع دة و كفاية لحد كدة.
 - بلاش إيه , و أنا ليس اللي جاية تلعب معايا دي , لازم نكمل.
- قاطعتهم :
- لقيته.
- الصوت دة كان بيتسمع بصوت عالي من أحد المعابد في أمريكا الجنوبية , بعد أكثر من 3 سنين أهل المدينة عرفوا إن في سحر و تحضير بيحصل داخل المعبد دة و قرروا يحرقوه بالناس اللي فيه , و في يوم 25 سبتمبر حرقوه فعلاً و مات 6 أشخاص , أو 6 سحرة , أساميهم كانت (جوني كابيل , ستيف ويلسون , ويليام هتler , ميشيل تروي , ويليام بيرد , و جورج كيدج) دي الأسماء اللي أنا ليس قالت للدكتور إنها الأرواح اللي في جسمها !
- فجأة النور قطع و حصلت زي عاصفة نار , أنا لقيت نفسي إترميت من عالمكتب إتخبطت في الحيطه بعنف شديد , و لما وقعت عالارض لقيت حاجة ملمسها زي الدم عالارض , فضلت أحسس حواليا كدة لقيت ... رغد , رغد واقعة عالارض و مبتتحركش و دم كتير نازل منها ...
- سمعت صوت سامح بينده عليا أنا و رغد بس من الصدمة مقدرتش أرد , فجأة في إيد مسكت إيدي بعنف و سمعت صرخة سامح ... و فقدت الوعي.
- فتحت عيني لقيت نفسي في أوضة في مستشفى و متوصل في جسمي أسلاك و محاليل , و سامح في السرير اللي جمبي نايم و متوصل بجسمه زيي , و إفتكرت رغد ... عيطت و صرخت و قعدت أترج في السرير لحد ما التمريض دخلوا بسرعة و الدكتور وراهم , إداني الدكتور حقنة مهدئة عشان مكانوش عارفين يسيطروا عليا , الدكتور قالي متقلقش على أهلك و صحابك , رغد خرجت من العمليات و في العناية المركزة , و سامح خد حقنة مهدئة زي اللي إنت خدتها عشان عمل زيك لم فاق , مراتك و إبنك روحوا بعد ما جبسناهم الكسور اللي كانت في جسمهم.
- حاولت أتكلم بس شكل المهدئ كان قوي , أو كان مخدر , الكلمة اللي طلعت مني كانت "عملية إيه؟" , قالي كان عندها كسر في العمود الفقري و جرح كبير في فخدها , العملية نجحت بس لسة محتاجة علاج طبيعي ... و نمت.

النهارة بعد يوم المستشفى بشهرين , رغد في مرحلة العلاج الطبيعي و
الدكتور يقول إن قدامها 4 شهور كمان , مراتي طالبة الطلاق , هناخد أجازة
فترة من برنامج حدث بالفعل عشان أنا و سامح حجزنا تذاكر الطيران و
رايحين ... "أمريكا الجنوبية" .

تمت

(3)

عم سيد الأزرق

عم سيد الأزرق

كنت فرحان جداً أول ما إستلمت الشغل هنا .. كارير حلو جداً و راتب مريح بيه شاب في سني ... أنا سعد , عندي 21 سنة , من كام شهر استلمت شغلي كبيع في معرض موبيليا و تحف في منطقة راقية جداً , أول كام يوم كان الشغل ماشي تمام , بدأت أعرف الزباين الدائمة , و بدأ الموردین يعرفوني و حسيت فعلاً إن ليا لازمة و أهمية , من كام يوم كدة كنت واقف لواحد في المعرض عشان (هدى) اللي شغالة معايا كانت أجازة اليوم دة , و كدة كدة أستاذ (عصام) مدير المعرض مبيجيش أغلب أيام الإسبوع , كنت واقف مع زبون لما دخل المعرض واحد ماسك في إيده حاجة ملفوفة بمشع إسود و معاه شنطة عليها لوجو شركة شوفته قبل كدة بس مش فاكرفين .. المهم , من غير مقدمات سألني:

- عندكوا عم سيد الأزرق؟

مفهمتش بالظبط هو عايز ايه , مش متأكد أصلاً انا سمعت صح ولا لا فرديت:

- أفندم!

- طب خد.

إداني اللفة اللي كانت في إيده و على ما بدأت أستوعب اللي حصل كان مشي، حطيت اللفة على المكتب و كملت مع الزبون و الحمد لله بعث له سفرة هاخذ عليها عمولة كويسة , و أول ما خرج مسكت اللفة اللي كان ملمسها الصلب دليل على إنها تحفة , بس تغليفها و الطريقة اللي الراجل سابها لي بيها خلتنني اشك إنها آثار , و قعدت أتخيل بقي إنا حياتي هتبقى عاملة إزاي بعد الموقف دة و إن الراجل غلط اداها لي و زمانه اتقتل و العصابة جاية عشان تاخذ التمثال بتاعها و سرحت بخيالي لكل افلام العصابات اللي شوفتها .. بس

ظني خاب لما طلعتها من اللفة و لقيته تمثال لراجل صيني مقلبط و أقرع ,
لابس نضارة مدورة و قاعد مربع رجله و ببيتسم بسخافة و هو رافع إيده في
الهوا كأنه بيسلم على حد .

اللي استنتجته إن أستاذ عصام كان طالب اوردر من معرض ثاني , بس طبعاً كانت فكرة سخيفة لإني ما مضيتش على إيصال إستلام ولا حاجة , فجيه التفسير الثاني في دماغي و هو إن دة عينه من الشركة دي بيوزعوها على المعارض عشان تشوف شغلهم يمكن نتعاقد معاها على توريد تحف لينا بسعر الجملة..

كان دة التفسير المقنع و المنطقي بالنسبالي , و عليه خدت التمثال و حطيته على ترابيزة في وش المحل بعد ما شيلت تمثال السمكة المستفز اللي كل ما أشيله أستاذ عصام يزق و يقولي متسييش ترابيزة فاضية , المهم حطيته و مسكت تمثال السمكة دة حطيته ورا السلم اللي بيطلع للدور اللي فوق .

[illegible]

التفسير اللي وصلتله إن الخاتم دة وقع من عامل في المكونات اللي بيصبوها في القوالب عشان تعمل التمثال و عليه مسكت المقص الحديد بالمقلوب و قعدت أخطب بأيده على أجزاء التمثال اللي في الخاتم لحد ما أنفصل و بقى الخاتم بس في إيدي .. مسكت الخاتم و جربت ألبسه فلقبته كبير أوي عليا ... أفكرت مسدس الشمع اللي بنلصم بيها التحف المكسورة عشان تتحط في العرض , جري جييت المسدس و حطيت شوية شمع على الخاتم من جوة و سيبته ينشف لحد ما بقى على قد صباغي بالظبط , بصيت للخاتم في إيدي و قولت طب و الله ما هو راجع .

لميت بقايا التمثال المكسور و رميته في باسكت الزبالة و رجعت اللي فاتني من الفيلم و قعدت عالمكتب أكمله بس في الحقيقة مكملتوش لإنني مركزتش معاه ... كل تركيزي كان مع الخاتم اللي حظي وصله ليا , و جيه في دماغي فكرة أحسن .. إني أبيع الخاتم ☺

بدون تفكير كتير صورت الخاتم و فتحت موقع بيع مشهور لبيع الحاجات المستعملة و رفعت الصور عليه و حطيت سعر عالي ... 500 جنيه كاملين و أنا عارف أن نادر جدا لو حد أتصل عشان يشتري الخاتم بالسعر دة ... عدى كام ساعة في ملل و أنا مستني حد يتصل ومحصلش , جيه معاد إني أقفل المعرض و أروح , قومت و لسة رايح أقفل زراير الكهرباء جت في دماغي فكرة, أنا كدة كدة اللي هفتح المعرض الصبح , طب بدل ما أروح و أنام كام ساعة و أجي الصبح و أضيع وقت و فلوس , ما أنا أبات هنا...

بعد نص ساعة كنت واقف بقفل باب المعرض عليا من جوة بعد ما اشتريت كل اللي ممكن احتاجه في يوم زي دة, اكل و شرب و تسلية و سجاير , و طفيت نور أول دور و طلعت الدور الثاني بعد ما نقلت الحاجة اللي اشترتها و اللابتوب ... شغلت فيلم لجيسون ستاثام و قعدت اتفرج و انا باكل و بشرب و مستمتع , شوية و كبس عليا النوم بطريقة فظيعة فعدلت جسمي و نمت.

قومت مخضوض على صوت رنة تليفوني اللي كانت عالية جدا , رقم غريب.. الساعة 2 و تلت بليل... قفلت الجرس و حطيت دماغي و قبل ما أنام

الموبايل صرخ في ودني بالنغمة ثاني , فتحت مكبر الصوت بعد ما رديت و
قولت ألو..

- الو . إنت اللي عارض الخاتم اللي بفص على الننت للبيع؟

- أيوة بس أنا نايم دلوقتي ممكن تكلمني بكرة العصر.

- أنا هشتريه بأي مبلغ تقوله بس حالياً لازم تشيل اعلانه من عالموقع.

- متقلقش لو حد اتصل ثاني هقوله إتباع.

إتردد شوية قبل ما يقول:

- الموضوع مش زي ما إنت فاهم , لو مشلتوش دلوقتي لا أنا ولا إنت
هنطوله!

حاولت أستوعب أو أسأل ن سبب قلقه و سبب جملته دي لكن دماغي كانت
وجعاني جداً و مكنتش قادر أفكر فلقيت نفسي بقول له:

- حاضر مفيش مشكلة .. هشيل الإعلان و لو حضرتك مهتم بإنك تشتري
الخاتم كلمني بعد العصر.

و بدون ما أستنى رد قفلت الخط و نمت.

أنا بكره نغمة موبايلي المزعجة دي جداً خصوصاً إنها بتقتحم أحلامي و
نومي في أوقات

وحشة بدون إستئذان و بطريقة تنرفز , فتحت عين واحدة ببص عالموبايل
اللي عمال

يرن بدون توقف , فكرني ببنت أختي لما كان عندها شهور و تعبانة بمرض
مش فاكِر

إسمه..

النغمة أخيراً فصلت , بص عالشاشة لقيت 23 مكالمة فائتة من نفس الرقم,
واضح إن اللي بيتصل عنده إصرار غريب .. ثواني و رن التليفون
ثاني و المرة دي رديت فوراً

- ألو

- إنت مش مستوعب الوقت اللي إنت نايم فيه و سايب الإعلان دة على النت للناس بيحصل فيه كمية كوارث قد إيه.

- إعلان إيه؟ كوارث إيه؟ مين حضرتك؟!!

سكت ثواني إفتكرت فيهم التمثال و الخاتم و الإعلان و المكالمة و إني بايت في المعرض قبل ما أقول:

- أيوة يا أستاذ أنا إفتكرت , معلش كان يوم طويل في الشغل و أنا تعب و مش مركز ففنت.

- المهم دلوقتي تشيل الإعلان حالاً و تكلمني تاني بعد ما تشيله.

- الحقيقة أنا شايف أن حضرتك مكبر الموضوع شوية , بس عالعموم حاضر أول ما أقفل معاك هشيل الإعلان .. و لو حضرتك مهتم أول بإنك تشتري الخاتم كلمني..

قاطعني:

- بعد العصر, حاضر .. بس بعد ما تشيل الإعلان هكلمك تاني... و رد عليا ضروري.

مدانيش فرصة أرد و قفل الخط .

فضلت قاعد شوية مش مستوعب و مش قادر أفهم قبل ما أفتح الموقع و أدخل على الإعلان اللي إفتاجئت إن عليه 8 عروض شراء بأسعار أعلى من المبلغ اللي كنت عارض البيع بيه, أعلاهم كان من واحد إسمه عم سيد الأزرق!

أنا سمعت الإسم دة فين قبل كدة؟

مش مهم

مسحت الأعلان و مسكت الخاتم أقلب فيه و أحاول أعرف إيه اللي يخلي كل دة يحصل بسببه

قبل ما تليفوني يرن تاني.

- ألو

- إنت فين؟

-!.....

- أنا اللي كنت بكلمك عالخاتم.

- و عايز تعرف مكاني دلوقتي ليه؟

- هاجي أشتريه منك حالا بأي تمن.

- بأي تمن؟ دلوقتي؟

- أة .. إنت فين؟

- أنا..أنا بايت في الشغل .

- لواحدك؟

- اها!

- إديني العنوان.

تلت ساعة عدت و أنا مش مستوعب أنني إديت عنوان الشغل لواحد معرفوش
و إنه جاي دلوقتي!

و دماغي عمالة تتخيل في سيناريوهات كلها مش لطيفة زي انه ممكن يكون
حرامي و هيسرق المعرض او تاجر أعضاء بشرية و أنا في معرض
لواحد؟

أتخضيت من صوت نغمة تليفواني برقمه اللي حفظته من كتر ما كلمني.

-ألو.

- أنا قدام الباب.

- بصيت في شاشة المراقبة لقيت شاب واقف و ماسك التليفون على ودنه بإيد
و بإيده الثانية بيشاورلي في الكاميرا , لثواني إترعشت و عرقت و
خوفت بس خدت القرار.

- ثواني و نازل لك .

لما نزلت الدور الأرضي شوفته عبر الباب الإزاز , شاب عادي جداً يبدو إنه
في بداية الثلاثينات , ملامحه هادية و متوحيش بأي خطر , لابس جاكيت
إسود بيلمع و لابس نضارة شمس سودة! بليل!

قربت من الباب فأبتسم و هز راسه و بعد خطوتين عن الباب..

فتحت الباب و شاورلته يدخل بس فضل ثابت في مكانه من غير أي حركة ,
قربت ثاني من الباب و أنا بسأله عن سبب وقفته و عدم دخوله فقالي هات
الخاتم الأول!

إستغربت و سألته عن السبب فقالي:

- متقلقش مش هأخده و أجري.

و طلع من جيبه كمية كبيرة من الفلوس مدلي إيده بيها و قالي خلي دول معاك
أمان , أنا بس قبل ما أدخل هتأكد أنه الخاتم اللي أنا عايزه.

مديت إيدي للفلوس و قبل ما أمسكها رجعت إيدي و قولتله إني مأمنه , و
حطيت إيدي في جيبني و طلعت الخاتم إديتهوله , مسك الخاتم و إبتسم إبتسامة
غريبة جداً..

قلع النضارة و بص للخاتم بس.. عنده عين كانت سودة .. كلها سودة ..
مفيهاش أبيض زي باقي البشر , و عينه الثانية كانت طبيعية جداً , منظر
عينه خوفني و رجعتي خطوتين و هو خد باله , من غير ما يحرك عينه من
عالخاتم قال:

- متخافش, عشان كدة أنا لابس النضارة على طول , الناس مبتقدرش تفهم إن
دة مش بإيدي , بس فحص الخاتم لازم رؤية واضحة بالعين المجردة.

حط الخاتم في جيبه و بصلي و حط رجله جوة المحل و فضل لثواني من غير ما يتحرك , بس كان بيتتم بكلام بصوت واطي مفهمتش منه حاجة بس كان واضح جداً إنه بلغة معرفهاش.

و بعد كدة طلع الخاتم و لبسه , و دخل برجله الثانية في المعرض و بمجرد ما رجله لمست الأرض...

نور أصفر ظهر مرة واحدة من ورايا كأن النار مصدره و ظهر بعده بلحظات ريحة حريق فعلاً و المكان إتملى دخان.. كل دة في أقل من دقيقة.. لفيت لفيت نار ماسكة في كل حة , و 3 كائنات صغيرة سودة و مليانة شعر و عندها قرون صغيرة واقفين باصينلي.. و كلهم عندهم عين سودة , بس الفرق إن عينهم مشقوقة بالطول , ساكنين تماماً و ميبتحركوش كأنهم تماثيل , لفيت للشاب اللي كان واقف لقيته مش واقف .. أو مش.. أو مش هو اللي واقف , اللي واقف كان راجل كبير , ليه نفس ملامح الشاب دة بس عمره 3 أضعاف عمر الشاب دة, ضهره محني , وشه مكرمش و بشرته فيها نقط سودة كتير من اللي بنقول عليها حسنة , و شعره أبيض أوي و خفيف , و لسة عنده عين سودة خالص , عمال يتتم بكلامه اللي بلغة مش مفهومة و هو عمال يترج و فجأة على صوته و خرج صوت غليظ مع صوته و كأنه بيتكلم بصوتين و هو بيتهز جامد و بدأ الكائنات الثلاثة اللي ورايا يزنوا زن مخيف بصوت خافت و بدأ صوتهم يعلى و الراجل بيتهز جامد و كلامه المش مفهوم مزعج و الأصوات اللي خارجة من بوقه كترت مع صوت الزن بتاع الكائنات السوداء بقى غير متحتمل و بدأ الصداع يرجع و الرغبة في النوم هاجمتني بشكل فظيع , حاولت أصرخ أو أجري بس جسمي كله مشلول و عيني بتقفل غصب عني .. أنا بنااااا .. أنا بنااااااا...

آخر مشهد شوفته هو وجود فجوة في الهواه لونها أزرق و خارج منها إلاف الكائنات السوداء و كائنات تانية حمرا و معندهاش شعر و طويلة و بقرون و ديول طويلة ..و التلت كائنات بيتنفسوا و نفسهم بيخرج أبيض كأنه دخان ... و وقعت.

معرفش عدى قد إيه، بس النهار طلع، أشعة الشمس على وشي خلنتني قفلت عيني أوي و حطيت إيدي على وشي عشان أتفاجئ بعرق ساقع .. فتحت عيني ببطء لقيتني على الأرض في المعرض و الجو هادي مفيهوش أي حاجة.. قومت إتعذلت أخيراً بعد عدة محاولات فاشلة و أول ما قمت جسمي كله إتكهرب!!

الراجل العجوز اللي كان شاب قاعد على المكتب و باصصلي بتركيز , أول ما لقاني خايف و ببلع ريقى بصعوبة إبتسم.. مكانش عنده غير 3 سنان في مقدمة بوقه خلت شكل إبتسامته مقزز أكثر منه مرعب , و بصوت طبيعي قالى :

- إنت حضرت حاجة نادر جداً لما بشري بيحضرها ,, حاجة عمرك ما هتنساها طول أنت عايش .. حاجة ممكن تكون هي السبب في موتك لو إتكلمت عنها.

ظهرت ملامح الخوف و عدم الفهم عليا فقال:

- إنت حضرت فتح بوابة بين عالم الجن و عالم الإنس , حاجة ممكن تحصل مرة كل كام قرن , شكراً إنك ساعدتني على فتحها من غير ما تعرف .. إنت كان همك الفلوس , و الفلوس سهل إنى أقدمهالك , بس لازم قصاها أضمن إنك مش هتتكلم , و دة مصلحتك إنت الأول على فكرة .. مبدأياً عشان محدش هيصدقك .. ثانيا عشان اللي إنت شوفتهم دول مش هيبسطهم إنك تتكلم عنهم... أظن إنت فاهمني!

هزيت رأسي برعب فقال :

- الخاتم دة أنا هسيبولك , دة عليه خادم من الجان .. مأمور بتلبية طلباتك .. عارف الخاتم دة تمنه كام؟

بان الرعب أكثر على وشي لما تخيلت ممكن إيه يقول التمن فضحك و قال:

- لأ مش اللي جيه في دماغك , هو تمنه فلوس عادي عشان الخواتم دي بتتعمل و بتتباع.. بس أسعارها لو قعدت عمرك كله تجمععه مش هتعرف .. دة هدية مني ليك .

قالها و هو بيقوم و في إتجاه الباب:

- بس أنا لو إحتاجتك في حاجة هجيلك , و إنت هتليها.

ضحك و كح و صوته حشرج و قال جملته الأخيرة بصوت مزدوج :

- إنت دلوقتي مفيش حاجة هتقدر عليك عشان بتتمهد لحاجة أكبر مني و منك ... إنت دلوقتي في حماية من الإنس و الجن .. إنت تحت حماية سيد الأزرق .. لحد اليوم الموعود.

و مشي!

كل دة و أنا قاعد عالارض مرعوب و مش قادر أستوعب!

بالعافية قومت و روحت للمكتب و لقيت الخاتم و جمبه نضارة شمس! .. بس
أنا متأكد إنه لبس نضارته و هو خارج من الباب ... دة معناه إن... جريت
على أقرب مرآة بصيت فيها و أعصابي سابت و رميت جسمي قدامها ...
اللي توقعته... لقيته.

تمت

(4)

رَوَحِيَّة

روحية

مازلت أسأل نفسي لماذا , لماذا كنت بهذا الغباء , إنها لعنة الفضول..
نعم , هي من أودت بي و أدت إلى هذا , ها هي تدخل الغرفة و تبحث عني ,
لقد إتقحت شقتها دون أن تعلم .. أراها تقترب .. أنا أسفل فراشها و ها هي
تقف أمامه

روحية , جارتنا في الشقة المقابلة منذ إنتقلنا إلى هنا , لم تكن على إختلاط
بأحد, و لم نكن كذلك نحن أيضاً , منذ أن رأيتها أول مرة و أنا أرتعد منها ,
لا أعلم السبب حتى الآن لكني لا أشعر بالراحة عندما أراها , قد يكون هذا
الشعور بسبب شكلها أو منظرها العام , لا أريد أن أكون متممة لكن شكلها
فعلاً يقشعر له الأبدان , هي قصيرة إلى حد ما , رفيعة جداً للحد الذي ترى
فيه عظام وجهها , هزيلة جداً و دائماً تبدو كأنها ستسقط من ملابسها , نعم
برغم نحافتها دائماً ما ترتدي ملابس واسعة فتبدو هي فيها كمطرقة الجرس
بالنسبة للجرس , خنادق لم تزرها الشمس تحت عينيها , و أنهار كحلية اللون
تمتد على كفيها, كل هذا يصمم منظرأً يبعث بعدم الإطمئنان في النفوس,
كانت صامتة دائماً , لم أرها تتحدث مع أحد ولا ترد السلام , كنت أظن أنها
صماء في البداية حتى إنتبهت أنها تنتبه للنداء.

تعيش بمفردها ولا أحد يعلم عنها شيئاً , و كثرت الإشاعات عليها .. حسناً أنا
لا أعلم عمرها الحقيقي لكن يبدو لي أنها في الأربعينات.

رأيتها ذات مرة تتحدث مع أمي و لكني لم أكن قريبة بالقدر الكافي الذي
يمكنني من سماع ما يدور بينهم, و لكنني علمت بعد أن غادرت , حيث أن
أمي نادت لي و أمرتني ألا ألعب في الجزء المقرب من باب شقتها و أنا
ألعب في الطريقة لأنني أوقظها من نومها.

منذ شهور بدأت ألاحظ أنها تراقبني.. نعم تراقبني , عندما أخرج صباحاً
للمدرسة أراها تختبئ خلف ستارة شرفتها و تراقبني..

و عندما أعود من تمرين الجمباز أراها دائماً تمسح درجات السلم و تحمق لي , و عندما تراني في أي مكان صدفة تترك كل شئ و تظل ناظرة و محمقة لي حتى بدأت أنزعج و أشعر بالضيق و شكوتها لأمي , و كان رد أمي أن أحملها فهي لا تملك أطفالاً و تفتقد إحساس الأمومة و هذا ما يجعلها تتمنى طفلة مثلي , خاصة أنها في مثل عمر أمي,

مرت عدة أيام لأستيقظ على صياح عبر باب شقتنا , ركضت إلى الباب و كدت أفتح لأرى ما يحدث لكن يد أمي كانت أسرع مني و أشارت برأسها أن لا تفتحي الباب , فهزرت رأسي متفهمة و وقفت خلف الباب أسترق السمع لما يحدث , ما فهمت من حديثها أن روحية تريد أن توقف حال سلمى ابنة جارتنا التي بالأسفل , لم أفهم معنى كلمة "توقف حالها" لكن فهمت أن الأمر له علاقة بشئ اسمه "العمل" ترشه روحية على الأبواب ليلاً ليعبر سكان البيت من فوقه و يحدث شئ سئ لهم , بعد أن إنتهت المشاجرة بكلمة "حسبي الله و نعم الوكيل" التي قالتها أم سلمى قبل أن تترك روحية و تهبط لشقتها جلست بجانب أمي لأسئله عن معنى ما سمعت فقالت أمي بجدية "متشغليش دماغك بالكلام ده , و دائماً ردي أعوذ بكلمات الله التامات من شر ما خلق و إقراي سورة الناس و أنتي خارجة من الباب و ملكيش بروحية دي تاني".

و عليها بدأت أنفذ أوامر أمي و أردد ما أخبرتني , عادت روحية تحمق لي و تراقبني و بدل من إبتسامتي المزيفة التي كنت أرسمها على وجهي خوفاً من أن تلاحظ أنني أخافها أصبحت أدير وجهي عنها كلما نظرت لها , و بعد أيام كنت خارجة أردد ما أخبرتني به أمي فوجدت روحية تمسح درجات السلم كالعادة و نظرت لي و إبتسمت لأول مرة في حياتها فكشفت عن أسنان ناصعة البياض كأسنان الممثلين , فبدلت معالم وجهي للغضب و أدت وجهي و و أسرع من خطواتي .. إنتهيت من تمرين الجمباز و عدت للمنزل , صعدت الدرج لأجدها جالسة على الدرج قبل شقتنا و عندما رأنتني إبتسمت إبتسامة واسعة فغيرت ملامح وجهي لضيق و حنق و سرعت من خطواتي فتبدلت ملامح وجهها لغضب و أستوقفتني , هذه أول مرة تلمسني فيها .. عند ملامسة يدها لرسغي سرت قشعريرة في جسدي و كاد قلبي أن يقف من فرط الخوف , و لأول مرة نطق:

- آية إنتي في حاجة مزعلاكي مني؟

صوتها مخيف , مبجوح و متحشرج و خافت كأنها تخاف أن يسمعها أحد ,
عاد شعور عدم الراحة و الخوف ازداد بسماع صوتها , قلت:

- لأ أبداً , أنا بس تعبانة.

أمي أمرتني أن لا أكذب و لكنها أمرتني أن أبتعد عن روحية , هممت بصعود
الدرج قبل أن تجذب يدي التي لم تفلتها قائلة:

- أنا مش عارفة إيه اللي مزعلك مني بس أياً كان إيه اللي حصل أنا أسفة
متزعلش مني, و أنا و الله ما كنت أقصد أزعلك.

برغم وجهها المرعب إلى أنه بدى على وجهها الحزن فعلاً فقلت:

- متزعلش يا روحية أنا مش زعلانة , ماما قالتلي ملكيش دعوة بروحية و
أنا بسمع كلامها.

زادت نظرة الحزن منها و قالت:

- خلاص يا آية إسمعي كلام ماما , يلا أطلعي.

حزنت لحزنها و قلت:

- لأ خلاص ربنا يسامحني أنا هقعّد معاكي شوية.

- لأ لازم تسمعي كلام ماما و أنا هكلمها أفهمها على كل حاجة؟

- طب مش زعلانة؟

إبتسمت قائلة:

- لا خلاص صافي يا لبن.

دخلت غرفتي و أنا أفكر لما خفت أن أخبر أمي ما حدث , بدلت ملابسني و
نمت على أن أنهض بعد ساعتين لأقوم بواجبي المنزلي.

إستيقظت على صوت صياح و زجاج ينكسر, هذا صوت أمي , و صوت
روحية الذي أكرهه بشدة, يبدو أنهم يتشاجرون , نهضت و فتحت جزء من
باب غرفتي يسمح لي برؤية ما يحدث فوجدت روحية تتوعد لأمي و هي

تغادر و أمي تصفع الباب خلفها , و ها هي تأتي بإتجاه غرفتي , أغلقت الباب و عدت إلى فراشي أدعي النوم , فتحت أمي الباب و جلست على فراشي و أيقظتني قائلة:

- آية يا حبيبتي , معلىش إني بصحيكي بس في حاجة مهمة لازم أقولك عليها .. أوعي روحية دي تديكي حاجة و تاخديها أو تطلب أي طلب و تنفذه , و حسك عينك تنسي ترددي الدعاء و سورة الناس و إنتي خارجة ولا و إنتي داخلة ..فاهمة؟

ألقت أوامرها بإنفعال لأرد أنا :

- حاضر يا ماما

لنتبدل ملامحها و تقول بلين:

- أنا مش هسمح لأي حد ياخدك مني ولا يفكر إن بنتي للسلف.

قالتها و أحتضنتني , و قالت بصوت خافت:

- يارب, يارب إنت اللي عالم بحالنا.

مرت أيام لاحظت فيها أن أمي أصبحت تتفعل على أقل الأشياء و عصبية أكثر من اللازم, أقل الأشياء تجعلها تصيح في وجهي و تنهرني بشدة , على عكس روحية التي لاحظت أن نظرتها لي تبدلت بنظرة ترقب و نصر , مرت أسابيع على هذا الحال لكني لم أعد أحتمل , أصبحت أتجنب أمي لتجنب صراخها الدائم في وجهي , أصبحت أشعر بالضيق كلما تواجدت معها في نفس المكان , لا أشعر بالراحة معها , و أغلب وقتي بالمنزل في غرفتي لا أخرج منها , أصبحت أمي نحيفة و أسفل عينيها خندقان لا يصلهما شمس , في يوم إنتفضت من نومي على خبطات شديدة على باب غرفتي فهرعت لأفتحه خوفاً من أن يكون مكروهاً قد أصاب أمي , لكنني توقفت خوفاً مما قد يحدث, فقد جن جنون أمي منذ فترة و قد تضربني لسبب لا أعلمه , يزداد الطرق و يزداد الأمر رعباً مع صياح أمي بأسمي و أمرها لي بأن أفتح , خصوصاً ظهور هذه الحشرة في صوتها..يزداد الطرق أكثر و أكثر حتى هداً فجأة..

و عاد مجدداً بقوة , يبدو ؟ أن أمي تحمل شيئاً تحاول كسر باب غرفتي به.. و يبدو أنها نجحت , قدم مقعد حديدي إخرقت باب غرفتي ثم سحبت و عادت لفتح فتحة أكبر تبعها عدة مرات حتى عبر المقعد بالكامل باب غرفتي و خلفه أمي التي ركضت بإتجاهي و على وجهها ملامح الرعب...

إحتضنتني حضن طويل قبل أن تفلتني من بين ضلوعها قائلة :

- فلقطيني عليكي يا حبيبتي ليه مفتحتيش؟

- ما هو يا ماما!!!...

- مش مهم المهم إني إطمنت عليكي , قوليلي , إنتي بترددي الدعوات اللي قولتلك عليها؟

- اة يا ماما دائماً

- دائماً .. ولا مرة نسيتها؟

- ..!!!!!! بصراحة يا ماما مرة كنت مستعجلة عشان هتأخر على bus المدرسة و ملحقتش.

تبدلت ملامح أمي و عاد الغضب يرسم خطوطه على وجهها قبل أن تصيح:

- أنتي حيوانة و غيببية , خلتي الست روحية نجحت في اللي هي عايزاه , خلتيها تأذينا إحنا الاثنين , عاجبك اللي إحنا فيه ده , إشربي بقي..

و عبرت حطام باب غرفتي بعد أن صبت وابل من الشتائم لروحية و لغبائي الذي سبب في كارثة لم أفهمها, شعرت بقطرات ماء على يدي لأكتشف بعد ثواني أن عيناى تدمعان دون وعي مني, فبعد كل هذا من يبقى صلب!

أهملت تدريبي و دروسي و لم أهمل مدرستي , لكني أهملت التعامل مع أصدقائي و معلماتي , لاحظ الكل إنزوائي و بعدي عنهن , لكن صديقتي أيتن جاءت لي بين الحصص و سألتني عما بي, هي صديقتي المقربة منذ لجنة إمتحان الصف الأول ولا أخفي عنها شيئاً , أخبرتها بكل ما يحدث أملاً مني أن نجد حلاً, جلسنا نفكر سوياً دون جدوى و مع إنتهاء اليوم الدراسي ودعتني بعد وعد أنها لن تتركني في محنتي و ستكون بجانبني..

عدت للمنزل مروراً بروحية و نظراتها المستفزة حتى إستوقفني خط من ماء أصفر اللون أمام باب الشقة, نظرت له ثم نظرت لروحية و إبتسمت.. تبدلت نظرة النصر التي على وجهها لنظرة ترقب و قلق , قبل أن أخرج من حقيبتى ما إشتريته توأً من محل البقالة القابع أمام بنايتنا, ملح!

قالت لي أيتن أنها كانت تتلصص و تسترق السمع على مجالس والدتها مع صديقاتها و إستمعت لمثل هذه الحلول لهذا الأمر, أخبرتني أن أحمل كيس ملح معي أينما ذهبت و أنتبه لأي سائل أو أي شئ ملقى أمام الأبواب , و أفسده برشة ملح مع تلاوة بعض إيات القرآن .. و ما إن شرعت في ذلك قمع وجهه روحية و إلتفتت و ركضت على سلالم البناية رغم أن بابها مازال مفتوحاً..

إنهيت التلاوة و رش الملح و أخرجت سلسلة مفاتيحي و أدخلت المفتاح في المزلاج.. شد إنتباهي باب روحية المفتوح! عدت خطوات و نظرت لأسفل فلم أجد لها أثراً, حسناً بضع دقائق لنظرة من بعيد داخل مدفن هذه المومياء لن يضر, هي بكل الأحوال لن تصعد بهذه السرعة.. تقدمت عدة خطوات من باب كهفها فألتقطت أنفي رائحة غريبة , خليط بين رائحة الكبريت و رائحة الفحم المحترق , و رائحة أخرى نفاذة لا أعلم ماهيتها..

دفعت الباب نصف دفعة لينفرج و أنا أتوقع الإهمال و سوء المعيشة و تلوث بصري بداخل الشقة و لكن على عكس ذلك , المنظر يسر العين.. غرفة مرتبة جيداً و بها ما لذ و طاب , طعام و فاكهة و شاشة عرض أكبر من التي نملكها و ثلاثان كبيرتان و مستوى عالي من الرفاهية لن يتوقعه أي أحد ممن يعرفون روحية , كانت تقسيمة شقتها تماماً مثل شقتنا.. غرفة معيشة واسعة , غرفتان على المين , و غرفة نوم و مطبخ و حمام على اليسار , باب الغرفة الأولى من اليمين به ملصقات فتيات! خطر في بالي أنه... لا لا بالطبع لا ليس لهذه الدرجة , بالتأكيد هي ليست لها إبنة تخفيها كما أخفت مستواها المادي و المعيشي!

ملمني الفضول فتقدمت عدة خطوات بعد أن تأكدت أنها لم تصعد بعد , و ستة خطوات كما عدتهم من قبل تربط باب الشقة بالغرفة الأولى , فتحت الباب و دفعته لأجد ما لم أكن أحلم به , غرفة فتيات بها كل ما تحلم به أي فتاة من دمي و ألعاب و بها أجهزة من الألعاب الإلكترونية تربطهم شاشة عرض عملاقة. علمت أنني إذا إستسلمت لهذه المغريات سأجدها خلفي في أية لحظة , هممت بالمغادرة قبل أن تستوقفني فكرة!

ماذا يوجد في غرفتي؟ أقصد بالغرفة الثانية الموازية لغرفتي في تقسيم المنزل.. تقدمت بحرص تجاهها لأجد أن الرائحة تزداد كلما إقتربت و علمت أن مهما يكن مصدر هذه الرائحة فهو قابع خلف هذا الباب , ألقيت نظرة على باب الشقة قبل أن أشرع في فتح باب الغرفة, فتحته برفق لأجد شئ يتحرك بالخارج .. و إذ بها روحية قد صعدت و وصلت إلى الطابق يبدو عليها الإنهاك و خيبة الأمل, بسرعة ولجت إلى الغرفة و أغلقتها خلفي و أنا أرتعد و صدري يعلو و يهبط و قلبي يكاد يتوقف من الرعب.. ظلت واقفة خلف الباب منتظرة إقتحامها الغرفة في أي لحظة.. و بدون إرادة مني عادت أنفي للعمل و هاجمتها الرائحة التي إشتممتها بالخارج , لألتفت إلى الغرفة التي لم أنتبه لها من الخوف لأجد كارثة...

لا أعرف ما هذه لكنها تبدو لي محرقة.. وعاء كبير به فحم مشتعل و رمل و شيئاً في المنتصف بينهم يتصاعد منه الدخان نتيجة لملامسته للحم المشتعل. و كمية كبيرة من الدمى اليدوية التي ترتدي منفس ملابسي و ملابس أمي .. شكلها يبعث الرعب , فعيناها على شكل X باللون الأسود و بعضهم ملطخ بالدماء , عدد كبير من قارورات بها بودرة مختلفة الأشكال و الألوان , و كرسي أشبه بعرش الشيطان يتكى على الحائط أمام الوعاء المشتعل.. هذا فقط ما إلتقطته عيني قبل أن أسمع جلبة و حركة سريعة في الخارج تبعها صوت فتح باب غرفة النوم, فرجت الباب قليلاً مما سمح لعيني برؤية ما يحدث لألمح روحية في الداخل تبحث عن شئ.. أو شخص!

أغلقت الباب بسرعة عندما إستدارت و همت بمغادرة الغرفة لأسمع باب الغرفة المجاورة ينفتح , ففتحت باب الغرفة ببطئ لأتأكد أنها بداخل الغرفة و أني سأفر منها بالركض ثمان خطوات من باب الغرفة لباب الشقة كما أحصيتها من قبل , و تركت العنان لقدمي و أنا ألهث من التوتر و الرعب و عندما وصلت للباب وجدته موصداً , توقفت لثوان أحاول التصرف فلمحت خيالها خارجاً من الغرفة , نظرت لغرفة النوم.. ست خطوات و أصل لداخلها .. خطوتان للمطبخ و أختفيت بداخله حتى دخلت الغرفة المشتعلة و ركضت لغرفة النوم , فتحت بابها و ولجت بها و أغلقتها.. لكن توتري جعلني إنسى الرفق في إغلاقه فأصدر صوتاً!

ثواني مرت و أنا أقلب بصري بين الغرفة لأجد مكان أختبئ به و عقلي تولى تخيل روحية و هي تقترب من الباب.. أسفل السرير! هذا ما قررت أن أفعله ,

فألقيت بنفسي أسفل الفراش و أغلقت عيني بإحكام و أخذ جسدي ينتفض و صدري يعلو و يهبط بشدة قبل أن أسمع باب الغرفة ينفج!

مازلت أسأل نفسي لماذا؟ لماذا كنت بهذا الغباء؟ إنها لعنة الفضول.. نعم , هي من أودت بي و أدت إلى هذا , ها هي تدخل الغرفة و تبحث عني , لقد إقتحمت شقتها دون أن تعلم .. أراها تقترب .. أنا أسفل فراشها و ها هي تقف أمامه ..

خرج صوتها بإسمي منادياً و خرج صوتي بالصراخ قبل أن تتحني و تمد يدها...

ظللت أصرخ و أضرب بجسدي كل شئ حولي و هي تسحبني ببطء حتى أخرجتني بالكامل من أسفل الفراش, و أنا مغمضة عيني و أركل كل شئ حولي و أصرخ بكل ما أوتيت من قوة , فخرج صوتها مرة أخرى:

- إهدي يا آية , إهدي مش هعملك حاجة.

خرج صوتي ممزقاً أذنها:

- إبعدي عني , إبعدي عني

- مش هأذيكي , أنا عمري ما فكرت في إني أضرك .

صوتها المتحشرج المبجول لأول مرة كان يحمل لمحة من الحنان , لكن هذه الحيلة لن تخل عليّ , ظللت أصرخ و أنتفض و أركل لعل صوتي يجذب إنتباه أحد و يأتي لإنقاذي, و هي لم تبال و ظلت تخبرني أنها لن تضرني و لن تأذييني .. و فجأة و في وسط صراخي وجدت نفسي أغوص بين أضلعها, روحية إحتضنتني بقوة , إحتضنتني و بكت , و أنا برغم الفوضى التي كنت أنشرها سكنت فجأة و أنا أشعر بها تنتفض و تبكي و تمسح بيدها على شعري, دقائق و سكنت هي أيضاً و أفلتتني و هي مطأطأة الراس و دموعها مازالت على خديها , , مسحت دموعها و نهضت دون أن ترفع رأسها و أخبرتني أن ألحقها لغرفة الألعاب , تصنعت أنني لا أعرفها لتقول لي لا بأس أنني إقتحمت شقتها فهي تأمن لي , لحقتها لتأمرني أن أخذ ما يحلو لي و أذهب , إعتذرت لها بحياء لتصر هي على قرارها , قلبت نظري في الغرفة لتقع عيني على دمية لعروسة شقراء ناولتني إياها و تركتني لأذهب بعد أن جعلتني أقطع معها وعداً بعدم إخبار أمي بأي شئ..

في اليوم التالي و في المدرسة أخبرت آيتن بكل شئ قبل أن تقول لي:

- غريبة, هي لو بتعمل سحر و عندها عرايس ليكي و لمامتك دي حاجة وحشة , لكن أوضة اللعب و اللي عملته دة حاجة حلوة ..

بعد نقاشنا و إنتهاء اليوم الدراسي إتجهت للمنزل و صعدت الدرج حتى وصلت لشقتنا دون أن أرى روحية! و هذا غريب .. الأغرب أن باب شقتنا كان مفتوحاً على غير العادة.. دفعت الباب ببطء لأجد بركة من الدم في غرفة المعيشة و أثار سحب شئ من منتصف الدماء إلى غرفة أمي!!!!

نفضت رأسي لطرذ الفكرة التي خطرت برأسي و صرخت و ركضت لداخل الغرفة لأجد ما خشيته ... أمي... أمي في وضعية الجلوس و جسدها ملطخ بالدماء .. دون وعي مني ركضت للمطبخ و سحبت سكيناً كبيرة و إتجهت لشقة روحية لأرد لها ما فعلته بأمي ... لاحظت أن باب شقتها أيضاً مفتوح , ركضت ركلة قوية بقدمي فأنفتح ثم إصتدم بشئ خلفه و عاد إليّ, دفعته و أدخلت رأسي لأشهد صدمة!

الشئ الذي إصتدم به الباب كان رأس روحية , روحية مقتولة و تسبح في بركة من الدماء , لم أتمالك نفسي و سقطت أرضاً أبكي أمي و روحية التي أخر موافقي معها كان موقفاً رائعاً, دقائق حتى تمالكتي نفسي و عدت لشقتنا لأطلب الشرطة , و لكن خطرت لي فكرة لا أعلم أتمنى أن تكون حقيقية أم أتمنى العكس , ذهبت لغرفة أمي و نظرت لوضعية جسدها .. إقتربت منها فرأيت صدرها يعلو و يهبط... إذاً هي حية.. هذا معناه أنها هي من...!

حاولت أن أوقظها فلم ستجب, علمت أنها فقدت الوعي .. إتصلت بآيتن و أخبرتها عما حدث و أنا أنتفض رعباً فأخبرتني أن أحاول إفاقة أمي و قبل ذلك أغلق باب روحية عليها و أتأكد من عدم وجود دماء في الطريقة بين شقتينا.. و هذا ما فعلت .

مر أسبوع و دماء أمي مختلطة بدماء روحية جفت و تجلطت على الأرض رغم محاولاتي المستميتة في إزالتها , أمي عادت لصحتها و نسيباً و معاً نجحنا في إخفاء كل ما له علاقة بروحية و دمها من شقتنا , إستعدنا للإجابة عن كل أسئلة الشرطة عندما يكتشف أحد مقتل روحية... مر شهر, شهران .. أربعة أشهر و لم يحدث شئ, الغريب أن صاحب المنزل عرض الشقة للبيع .. الأغرب أن الآن أحد المشترين يستطلعون الشقة لإستئجارها و هم الآن بالداخل ولا يبدو أن هناك شئ غريب!

مر الكثير من الوقت و لا نعلم ما الذي حدث لجثة روحية ولا لما كان في شقتها .. و هذا مثير للرعب أكثر من الدهشة... لهذا ها نحن نراقب العمال و هم ينقلون أثاثنا لسيارات النقل .. فسنترك المدينة بأكملها, فنحن لن نقدر على إنتقام روح روحية.

تمت

(5)

لعبة!

لعبة

بدأ الأمر بإعلان على موقع التواصل الاجتماعي بإفتتاح تحدي جديد من نوع Escape room و هي نوع من ألعاب الرعب و الألغاز حيث يدخل عدد من الشباب غرفة أو عدة غرف و يطلب منهم القيام بتحديات و حل ألغاز قبل ساعة , إذا حلت اللز قبل إنتهاء الساعة ستفوز و تخرج من الحجرة , إذا خسرت ستحبس في الحجرة للأبد.. هذه دعاية لكن الكل يخرج بعد إنتهاء الوقتليدخل آخريين و تبدأ اللعبة من جديد.. شروط هذه اللعبة الجديدة المعلن عنها أن يكون عدد اللاعبين 5 أشخاص .. هذا ما إكتشفناه عندما وصلنا لمقر الألعاب, كنا ثلاثة فقط, " آدم", " رولا", أنا .. "سلطان", حن أصدقاء منذ الجامعة .. جميعنا نملك من العمر 24 عاماً.. لا نعرف كيف نتصرف في الأمر فنحن نحتاج فردان آخرين لدخول و نبدأ اللعب, إقترح آدم أن نغير اللغز بأي غرفة أخرى لا يشترط فيها عدد يفوق عددنا , لكن رولا أصرت على دخول هذه الحجرة بأي طريقة, و لأن رولا لها اليد العليا في القرار _ فهي و آدم مخطوبين_ إنصعنا لرأيها , كان بجانبنا شخصان, يبدو من إلتصاقهم ببعض و تعليق يدها بيده أنهم مخطوبان , أو مرتبطان على الأقل.. ألقيت السلام عليهم و عرفتهم بنا و عرفاني بهم .. "خليل" ثمان و عشرون عام , و زوجته " ريم" واحد و عشرون عاماً. إقترحت عليهم أن أشاركنا اللعبة لأن عددنا سيكتمل بهم فرحبوا و وافقوا على الفور و كأنهم كانوا ينتظرون عرضنا هذا.. فعنا و إنتظرنا دورناو الساعة الرابعة تماماً إنطفأ المصباح الأحمر على باب اللعبة ليسمح لنا بالدخول..

اللعبة كانت عبارة عن خمسة أشخاص أربعة منهم يهربون من دكتورة سمي دكتورة فيرس, و هي عالمة مجنونة تقوم بتجارب غير مشروعة على البشر, و الخامس هو أسيرها منذ بداية اللعبة , المطلوب هو تحرير أثيرها و إيجاد وسيلة للهروب قبل مرور الساعة و إلا ستكتمل تجربة دكتورة فيرس على أثيرها و سيتحول لوحش طليق يقتل من يعترض طريقه بلا رحمة...حسناً تبدو سهلة, الصعب كان إختيار شخص منا ليكون الأثير , يجب أن يكون أقلنا ذكاءاً , بالطبع هو آدم فلا يوجد من هو أقل منه ذكاءاً , لكن فاجئنا خليل بإقتراحه أن تكون ريم هي الأثيرة , لأنها في شهورها الأولى من الحمل و لن تكون قادرة على الركض و الحركة بسرعة و حل الألغاز بأكمل وجه ,

بالطبع وافقنا كلنا و أسرع كل منا بإتخاذ مكانه , كان نصيبي أنا الإستلقاء على منضدة تشبه التي يستلقي عليها المريض أثناء إجراء جراحة له, بدأ العد التنازلي ثم بدأت اللعبة...

ضحكات أنثوية شريرة , صراخ قطط و عواء ذئاب و أصوات فئران و كأن الحيوانات تعذب بوحشية .. لسمعت حركة في المكان و لمحت ظل أنثوي يتحرك بعشوائية في المكان , أصوات تكسير زجاج و أشياء تسقط و غيرها ينفجر ثم فرقة عالية و إنقطاع للكهرباء تماماً و إرتفاع رائحة إنحراق مع صمت تام... و دوت صرخة مدوية تصم الأذان..

حاولت أن أنهض لأبدأ اللعب لكن وجدت أن يداي و قدمي و جزعي مقيدون في الطاولة , بدأت بالصياح منادياً على أصدقائي فلم يأتيني رد.. أليس الجميع في نفس الغرفة!

مرت دقائق كدهر و أنا مقيد ولا شئ يحدث .. بدأت بالصياح و الصراخ و أنني قد إستسلمت ولا أريد إكمال اللعبة , و لم يحدث شئ!

ناديت على إدم و على رولا ثم خليل و ريم و لم يجيبني أحد.. دقائق مرت و أنا أفكر كيف لهذه أن تكون لعبة مثلية , كيف لهم أن يتركوا أحد اللاعبين كل هذا الوقت ليشعر بهذا الكم من الملل في لعبة من المفترض أنني ألعبها لكسر الملل , و لعامل الملل بدأ.. مخيلتي نسج تصور لما يفعلوه الآن , يبدو أنهم مستمتعون و يحاولون حل الألغاز و حدي أنفسهم , و ها أنا أتنفس الثرى و أبصر العدم , قطع أفكاري صوت تآلم أحد في الغرفة من بعيد فسألت همن هناك ليجيبني العدم..

- في حد هنا؟

-.....

- أنا مستسلم , مش عايز أكمل لعب , خلاص مش هضيع وقت ثاني من الساعة و أنا مربوط هنا.

صوت خطوات بطيئة تقترب و صوت واضح لشخص يتألم.

- أنا مخترتش أكون رهينة! أنا مكاني برة مع الناس اللي بتحل الألغاز , ال Room دي من أسوء الألعاب اللي دخلتها و مش هدخ...

قطع حديثي إقتحام أحد زاوية بصري و شعرت بتساقط سائل عن وجهي
فأنتفضت من الصدمة يخرج صوت "خليل" قائلاً:

- اللعبة إنتهت قبل ما تبدأ , المبني ولع و إحنا إتحبسنا جوة اللعبة , و كل
الناس هربت , و ريم ,, ريم معرفش عنها حاجة يا سلطان..

قالها و أخذ يبكي بحرقة لتتساقط دموعه و لعابه على وجهي و أنا لم أفهم
شيئاً!

حريق؟ لا يعرف شيئاً ريم؟ إذا أين آدم و رولا؟ هل هذا جزء من اللعبة؟ و
قبل أن أستوعب ما يحدث عاد الضوء دفعة واحدة , ضوء أخضر خافت
يخفي أكثر مما يكشف , لكنه لم يمنعني من رؤية أصعب مشهد في حياتي ,
الذي يساقط على وجهي من خليل ليس لعبه , بل دمه!

رأس خليل و الكثير من وجهه محروق , محروق عن بكرة أبيه و يتساقط
الدم و الجلد منه , صرخت بعزم ما عندي فأنتفض و نظر لي و الرعب بادياً
على ما تبقى من وجهه, إذاً ما حدث كان واقعاً, خليل واضعاً يده على وجهه
و يصرخ و يتحرك بعشوائية في المكان حتى تعثر في شيء ما و سقط و ظل
يبكي و يئن كل هذا وسط ذهول مني و عدم تصديق ما يحدث , حاولت
تحرير نفسي بأكثر من طريقة قابلهم الفشل , أخذت أفكر إذا كان هذا قيد في
اللعبة لا بد من وجود لغز يجب عليّ حله لأتحرر, و أخذت أبحث بعيني في كل
مكان بحثاً عن أي شيء ... و بعد الكثير من الوقت وجدت في السقف أربعة
أسهم كل منهم يشير إلى الآخر , كل سهم منهم مقابل لقيد من قيودي فتوقعت
أن يكون هذا ترتيب لمحاولة رفع أطرافي بترتيب معين , كن أيهم الأول و
أيهم الأخير , رفعت يدي اليسرى ثم تابعت معه السهم الايسر يشير للسهم
أسفل اليمين , فرفعت قدمي اليمنى , ظللت أتحرك بهذه الطريقة لمحاولتان
فاشلتان , حاولت البدء هذه المرة برفه قدمي اليسرى ثم يدي اليسرى ثم قدمي
اليمنى و اخرهم يدي اليمنى و رفعت جسدي لأسمع طقطقة في الطاولة لأجد
نفسي حراً ... عدا رقبتى القيد الذي كان مقيداً لرقبتي نهض معي .. فقد كان
مثبتاً بجنزيراً طويلاً يقيد رقبتى لمسافة معينة , نهضت و نظرت لخليل الذي
سكن تماماً , يبدو أنه أغشي عليه ... أو أسوأ , و لن أخاطر باكتشاف أيهما
أصح فوجهه كاد أن يصيبني بسكتة قلبية بعد أن كوته النار , بدأت ألف في
دائرة لأعرف ما يتيح لي طول الجنزير لأصل له , وجدت أنها طاولة
صغيرة عليها أدوات تشريح و صندوق قديم , بدأت أبحث عن طريقة لفتح
الصندوق , وجدت لوحة مفاتيح خشبية في قاعدة الصندوق , حاولت التفكير

فيما يمكن أن يكون كلمة سر , كتبت كل ما يمكن توقعه و فشلت كل المحاولات حاولت فتحه عنوة ولكن بلا جدوى, حاولت كسره لكن بلا أدنى فائدة, تركته و تحركت إلى ما يتاح لي أن أصل إليه ,وصلت إلى سلة مهملات , رفعتها و ذهبت بها للطاولة التي كنت مقيد بها و قلبتها و أفرغت ما بها على الطاولة ليفاجئني حية و الكثير من العقارب الصغيرة التي جعلتني أصرخ صرخة مدوية من اهلل الصدمة , إبتعدن بسرعة و ألقيت السلة بإهمال فسقط منها ورقة و عليها عقرب أسود كبير, أخذ العقرب يجري باتجاهي فركضت للخلف و إذ بالجنزير الذي يقيد رقبتني أسقطني على وجهي تماماً أمام العقرب الذي صعد فوراً على وجهي و رأسي فقامت مسرعاً و أخذت أنفض رأسي و وجهي و ظهري بسرعة حتى سقط و ركض تحت المنضدة , إلتقطت الورقة و أنا رتعد و أرتعش من هول ما يحدث, وجدت عليها كلمة من أربعة حروف , لكنها كلمة مبهمه لا معنى لها (تملض) لا أعرف معناها , إتهجت للصندوق و قلبته و ضغطت الأزرار فلم يحدث شئ , حاولت كتابتها أكثر من مرة لكن بلا أي جدوى , حاولت كتابتها بأكثر من طريقة حتى وصلت إلى عكسها (ضلمت) أو بالأصح (ضلمة) كبست الأزرار لينفتح الصندوق و يندفع منه خفاشاً صغيراً كاد أن يصتدم بوجهي لولا رد فعلا التلقائي بإبعاد وجهي عنه و إخفائه بكلتا يدي حتى إبتعد , نظرت في الصندوق لأجد مفتاحا يرسو في قاعدته, مددت يدي بحذر و إنتزعته ليسحب معه خيطاً , و ما إن إنقطع الخيط حتى ساد الظلام...

واقفاً في منتصف كل هذا, لا أعرف ماذا حدث لأصدقائي, ظلام دامس لا أرى منه شيئاً , معي خفاش طليق في نفس الغرفة , أسفل المنضدة التي أتكى عليها عقرب إسود ضخمة , الطاولة التي يربطني بها جنزير غليظ من رقبتني عليها عقارب كثيرة و حية , سكون تام في المكان و ضجيج عالي برأسي , أمسكت السلسلة و مشيت باتجاهها و أنا حذر من أن ألمس أي شئ لا يجب لمسه , إصتدمت يدي بشئ كان يتحرك على الجنزير فسقط, يبدو أن أحد العقارب أخذ الجنزير طريقاً للوصول لرقبتني , إقتربت بحذر أكثر حتى لمس يدي القفل الذي يمسك بالجنزير , وضعت به المفتاح و فتحتة فسقط الجنزير على قدمي لأصرخ متألماً, نعم تحررت من قيدي , لكن الجنزير مازال معلقاً في عنقي

رفعت الجنزير لأحمله بيدي فجأة دوت صرخة عالية متألمة في المكان و في أحد الأركان أنارت غرفة زجاجية صغيرة بضوء أحمر مرعب, و تصاعد دخان أحمر بداخلها , لم أتبين هل الدخان لونه أحمر أم هذا من تأثير الضوء,

و قبل أن تمتلئ هذه الحجرة الزجاجية بالدخان لمحت ريم ملقاه على ظهرها ,
فارجة قدميها , و دماء كثيرة ظهرت على ملابسها , و تصرخ بصوت يصم
الأذان , يبدو أنه نزييف , إنها في خطر, حالتها حرجة , ركضت لهذه الغرفة
و نظرت لها لأجد الألم يفتك بها , و تصرخ بأسمي و تتألم, قبل أن يخفي
الدخان كل شيء, لأسمعها تسعل بكوة ثم تصرخ بألم و تسعل بقوة , ضربت
الزجاج بقبضتي بكل ما أوتيت من قوة بلا أي جدوى , إلتقطت كل ما هو
صلب لكسر الزجاج لكن كالعادة , لا شئ يفلح , أخذت أناديها بصوت عال و
لم أتلقي إجابة سوى السعال, حتى خفت صوتها تماماً , يبدو أنها فقدت الوعي
, و ما هي إلا دقائق و ستفقد حياتها و حياة صغيرها...

بكيت, بكيت كما لم أبكي من قبل , زوج و زوجة منتظرين حدثاً سعيداً
فقدوا حياتهم بأشع ما يمكن , فقدوا حياتهم في لعبة, تذكرت أصدقائي, من
الممكن أن يكونوا مازالوا على قيد الحياة , بحثت عنهم في كل مكان في
الحجرة الكبيرة و لم أجدهم و لم أجد أي دليل على وجودهم , حسناً يبدو أنه
يجب أن أفعل شيئاً أ, أحل لغزاً كي ينفتح باب الخروج أو الباب المؤدي لهم ,
بحثت و بحثت و بحثت حتى وجدت مجسم بلاستيكي لجسم الإنسان بعد
التضريح و به بعض الأعضاء مفقودة, القلب و العين اليسرى و الكبد و
إحدى الكليتين , إتجهت لأحد الارفف الذي لاحظت عليه أوعية زجاجية
بأعضاء بشرية في سائل ما , أحدهم به العين و الآخر به ألكلية ,مددت يدي و
أمسكت الوعاء الي يحتوي على الكلية , مددت يدي بالسائل اللزج و أخرجت
الكلية البلاستيكية , ثم مددت يدي للوعاء الآخر و مددت يدي لأمسك
بالعين....

لزجة, مسحتها في ملابسي لأبعد عنها السائل اللزج , و لكنها ظلت لزجة ,
و مبللة , و ليست بلاستيكية ... تركتها و الكلى ليسقطوا أرضاً بعد ما إكتشفته
, يبدو أنها عين حقيقية.. ما هذا المكان؟ ماذا يحدث, صرخت بكل قوة ثم
خمدت و جلست على ركبتي , تمالكت نفسي و نهضت لألتقطت الكلى
البلاستيكية , وضعتها في مكانها المخصص من الجسد البلاستيكي , و بحثت
عن العين , ظلت أبحث كثيراً و كثيراً حتى وجدتها , إنحنيت لألتقطها لكنها
كانت لزجة فأنزلت من يدي و إبتعدت , ركضت خلفها و كلما حاولت
الإمساك بها إنزلت لأركض خلفها, حتى وصلت لجسد ملقى على الأرض
في بركة من الدماء , جثة خليل...

قد نسيت أمرها , الدماء و كل ما مر دون حركة أثبتوا لي بالدليل القاطع أن قصة الزوجين قد إنتهت.. بحزن إنحنيت و أمسكت بجزء من ملابس خليل و أمسكت به العين , و إتجهت للجسم البلاستيكي و وضعتها في محجرها , تبقى الكبد و القلب , بحثت كثيراً حتى وجدت الكبد في أحد الأطباق في الثلاجة التي بها كل شئ عَفِن.. وضعت الكبد البلاستيكي في مكانه و لم يتبقى إلا القلب.. بحثت في كل مكان , لم أترك مكان إلا و نبشته و بحثت فيه , صبري بدأ ينفذ و عقلي أصبح غير قادر على التفكير , جلست أرضاً لألتقط أنفاسي فلاحظت وجود شيئاً.. أدوات تشريح و سكاكين ضخمة و ساطور.. خطرت فكرة في رأسي سرعان ما نفضت رأسي لتختفي.. قمت لأمل البحث و بعد كثير من الوقت و نفاذ الصبر إتجهت للساطور و أمسكته و ذهبت لجثة خليل الملقاة أرضاً , قلبته على ظهره و أنا أتحاشى النظر لوجهه , رفعت السطور و هويت به على صدره , خمسة ضربات بالساطور الحاد على صدره فسقطت بجانبه أربعة أضلاع من قفصه الصدري و ظهر القلب.. مازال ينبض نبضاً خافتاً , أمسكت قلبه بيدي و إنتزعت و قطعت ما يرتبط به من شايين و حملته للجسد البلاستيكي , و ما إن وضعت القلب في مكانه حتى إنفتح باباً في أقصى الغرفة , ذهبت مسرعاً للباب لتلتقط أذني صوت بكاء طفل....

طفل, هل الطفل مازال حياً , هل خرج إلى الحياة وسط كل هذا الموت؟ هل أتركه ليلحق بأهله ؟ لا لست بهذه الندالة فلي ضمير لم يمت برغم كل ما حدث , مباشرة إتجهت للساطور ثم إلى الغرفة الزجاجية و أخذت أضرب و أضرب و أضرب في زاوية الزجاج حتى فصلت لوحين الزجاج عن بعضهم , أسرعت ناحية الوليدة و بالساطور فصلته عن أمه التي تأكدت من أنها توقفت عن التنفس.. حملت لطفلة التي إختلط دم أبيها مع سوائل جسد أمها و خرجت من الباب , وجدت كل شئ محترق عن بكر أبيه , كل شئ متفحم و متشح بالسواد و الدخان يتصاعد منه, نظرت بعين دامعة للصغيرة التي بين يدي, خرجت من المكان فقابلني رجال الإطفاء على الدرج و حمل أحدهم لطفلة عني و أسرع في الهبوط, أحد رجال الإطفاء كان يحدثني لكني لا أسمعه , فقدت أصدقائي و الفتاة فقدت أبويها, أرواح أذهقت و أرواح عاشت.. كل ذلك في مجرد لعبة.

- تمت -

(6)

الخامس

الخامس

أنا عصام , حاولت أن أجد طريقة لأحكي ما حدث في الأسابيع السابقة لكنني لم أجد أفضل من الطريقة التقليدية, أنا أسكن في هذا المنزل منذ سبعة أشهر, منزل كبير يتكون من طابقان و حديقة مهملة.. و مازالت, أعتادت الغربان أن ت... لحظة, أنا لم أقدم نفسي جيداً, أنا عصام.. أوه قد أخبرتك بذلك سابقاً, حسناً.. عندي سبعة وعشرون عاماً , فقدت كل من أعرف بطريقة ما لا تهلك فلن أذكرها, كل ما يهكم أن من تبقت لي هي سارة, صديقتي منذ الطفولة... لا , لن أتطرق لهذا الآن , المهم.. منذ إنتقلت إلى هنا و يومياً تقف الغربان على إحدى أشجار حديقتي, شجرة لا أوراق لها, في الصباح الباكر يبعث شكل الشجرة بغربانها الرعب في نفوس الناظرين و العابرين, بمرور الأيام , و لأنني قعيد لا أفعل شيئاً تقريباً .. راقبت الغربان , اثنا عشر غراباً يحطون على شجرتي يومياً, لا يأكلون ولا شربون.. مع شروق الشمس يحطون على شجرة حديقتي و يخرج نعيقهم , قد يطير أحدهم و يعود بعد مرور بعض الوقت و قد يتقافز منهم البعض على الأغصان خالية الأوراق و قد يحدث بينهم حديث مشترك.. مراقبتهم مملة حقاً, لكن حياتي أكثر مللاً...

استيقظت ذلك اليوم على نعيقهم كلهم في أن واحد, مسرعاً إتجهت لشرفتي و أمسكت منطاري الذي طلبت من سارة أن تحضره لي لمراقبة الغربان عن قرب , نظرت للشجرة بمساعدة من المنظار لكنني لم أجد عليها أي غراب مع استمرار نعيقهم, حركت المنظار حتى وجدتهم على عشب الحديقة المهمل, يلتفون حول أحدهم و يخفضون رؤوسهم و يهزون جناحهم مع نهيق مستمر, يبدو أنها مراسم العزاء لدى الغربان, فقد بدى لي أن الغراب الساقط أرضاً ميتاً, ظللت أراقب مراسم العزاء إنتظاراً لدفن الميت – حسب ما سمعت عن دفن الغربان لأمواتها- لكن لم يحدث شيء, فبعد عشرون دقيقة من النعيق طار كل منهم لغصنه عدا أحدهم حمل الميت بمنقاره و طار بعيداً ثم عاد ليقف على غصنه بهدوء...

أيام مرت, عرفت كل غراب و أطلقت أسمائاً و ألقاباً عليهم علمت منهم الكثير عن حياة الغربان, فكل غراب له زوجته التي لا يقترب منها آخر.. و

كل عش له رب أسرة يأتيهم بالطعام ولا يجروا آخر على خطف طعامهم, و الكثير و الكثير الذي جعلني أتعجب من هذا الكائن و نظامه, في اليوم الخامس و العشرون من شهر سبتمبر حدث أمراً شاذاً في حياة أصدقائي الغربان , أحد الغربان قام بالتعدي على أنثى غيره , نعم , لقد قام أحد الغربان بإغتصاب أنثى غيره, صاحت الأنثى و هاجت و ماجت حتى إلتفت حول المذنب باقي الغربان و أجبروه على الهبوط معهم لأرض الحديقة , و في الأسفل تجمع إحدى عشر غراباً, ظل المذنب مطأطأ الرأس طوال هذا الإجتماع ولا يصدر نقيق مطلقاً بينما ينطق بعض منهم و كأنهم يحاكمونه , صمت الكل لدقيقة ثم نطق أحدهم لينهال عليه الغربان بالنقر على رأسه و أنحاء جسده حتى سقط أرضاً بين دماءه, لقد قتلوا المغتصب!

مازلت غير مصدقاً, بحثت على شبكة الإنترنت و وجدت أن الغربان تقيم محاكمة فعلاً و تعاقب من خرج عن قوانينها, أغلقت الهاتف بعد مكالمة طويلة مع سارة و دعوتها لتناول العشاء معي بعد أن أملتيتها قائمة المشتريات, هي تحمل بطاقة إئتماني دائماً, فور ما يصدر معاش الضمان الإجتماعي أخبرها بما أريد فتحضره لي, عدت لمراقبة غرباني فوجدت ثلاثاً مفقودين, بحثت بمنظاري جيداً لأجد شيئاً أرعيني... رجلاً أفريقياً غليظ الملامح يرتدي ملابس سوداء تماماً يقف داخل حديقة منزلي, و تقف الغربان لثلاثة على كتفيه, ينظر للشرفة بغضب.. ينظر في عيني مباشرة , ما إن لاحظت ذلك حتى طار الغربان الثلاثة عائدين لغصونهم..و إلتفت هو و رحل في هدوء...من هذا؟ و لم كان في حديقتي, و لماذا نظر لي تلك النظرة؟

صاح جرس الباب فجأة لأنتفض على مقعدي المتحرك, دفعت عجلاته إلى الباب و فتحته لتشرق الشمس, وقفت سارة بفستان أسود يكشف كتفها.. ناصعة البياض, عيناها واسعتان..شعرها الذهبي المنسدل كان يشع نوراً , عطرها المميز إقتحم أنفي و صدري دون إستئذان, إبتسمت فظهرت أسنانها المتراسة بداخل فمها كحبات اللؤلؤ , دلفت للداخل و هي تقول:

- مالك؟ شايفني لأول مرة ولا إيه؟

- شايفك أجمل من كل مرة.

جحظت عيناها و أمسكت بملابسها في خوف مسرحي قائلة:

- أعجز عازب يغتصب صديقته بوحشية ثم يقتلها.

ضحكنا سوياً حتى وصلنا للأريكة و ألقت بجسدها عليها بعد أن قذفت بالحقائب البلاستيكية على قدمي فقلت لها و أنا أخرج ما في الحقائب:

- إنتي مش عارفة إن كلمة عاجز دي بتضايقني.

- يا عم إجري إنت في نعمة مش مقدرها و الله.

- محدش راضي بحاله, حتى دي بتحسدونا عليها!

ضحكت بصوت عالي و قالت بخبث:

- ما تيجي نشوف الكرسي دة يستحمل إثنين ولا لأ.

قلت محاولاً تجاهل ما ترمي إليه:

- و إفرضي طلع مبيستحملش إلا واحد بس.

- سریرک بیاخذ کام نفر طیب.

قالتها و غمرت بخبث يفضح مطالبها قلت لها:

- و جوزك؟

- و ھي تعرف منين؟

- هي المشكلة في إنه يعرف!

- سيبك منه، هو كدة كدة بیکر هک.

- بیکرہنی لیے ان شاء اللہ۔

- أنا معاك.. بكلمك.. مهتمة ببيك.. بجيك البيت و إنت أعزب و عايش لو احداك.

- و هيشك فيا ليه بوضعي دة.

- ماله وضعك، هو الشلل واصل لحد فين؟

قالتها مازحة لأرد ضاحكاً

- لاااااا، مسمحكيش... أنا عاجز أة بس راجل أوى.

- أنا لو حلفتك إن مش دة قصدي مش هتصدقني.

- بزمك!

- لا لا لا إوعى تفهمني صح.

- هفضل نرمي في إفيهات حلمي كدة كتير!

- مش كلهم حلمي فيهم إفيه لكريم عبد العزيز.

- مش هنخلص بقي.

- أو عدك هنخلص بسرعة.

قالتها و غمزت بعينها بخبث ، تبدو مصرة ، كلامها و حركاتها أثرت بجسدي
فحاولت إخفاء ما حدث بتغيير الموضوع فقلت:

- في واحد كان في الجنية النهاردة.

- واحد! واحد مين؟

- معرفوش, راجل إسود كدة وقف تحت شجرة الغربان و كان باصصلي.

- هو إنت مش هتعرفني عالغربان دي بقي؟

- أنا بتكلم جد على فكرة.

- عايزني أعمل إيه يعني, أستناه و أضربه!

- معرفش, أنا بقولك..الموضوع يقلق.

- و يقلق إيه؟ إنت عندك إيه يتسرق؟

- معنديش, ممكن يكون مش غرضه سرقة.

صمتت قليلاً لتقول بسخرية:

- رجل أفريقي يقوم بإغتصاب شاب عاجز في منزله قبل قتله.

- يااادي فلان يقوم بإغتصاب فلان بتاعتك دي...

صمتت قليلاً قبل أن أقول:

- و إنتي عرفتي منين إنه أفريقي؟

- يعني إيه عرفتي منين!
- أيوة عرفتي منين إنه راجل أفريقي؟
- يابني ما إنت اللي لسة قايل!
- بس أنا مقولتش إنه أفريقي.
- أة بنجم أنا... معلش.
غضبت و أدارت وجهها فقلت معتذراً:
- معلش مكانش قصدي, إنتي عارفة إني تعبان و حاجات كتير بتقع من دماغي.
فأكملت بغضب:
- و حاجات بتتخيلها من دماغك .
قلت بأسف حقيقي:
- معلش يا سارة أعذريني إنتي عارفة, و بعدين تزعلي مني إزاي أصلاً
إنتي الوحيدة اللي باقيالي.
نظرت لي بحزن ثم قالت:
مش هنجرب الكرسي برضه.

عطرها منتشر في أرجاء المكان, برغم حرارة الجو كنت في منتصف الأحداث أرتعش, برغم سني كانت هذه المرة الأولى لي, إرتدت سارة ملابسها فقلت لها:

- طب نولينني التيشرت اللي في الأرض دة.
نظرت لي بدلال و قالت:
- ما تجيبه إنت.

- أجيبه إزاي يعني!
- قوم هاته و إرجع مكانك.

- يا سارة قولتلك متضايقينيش , هاتي التيشرت.

خطوات بطيئة إتجهت للتيشرت و إنحنت.. أمسكت به و قذفته في وجهي
قائلة:

- إستحالة دة كله يطلع من عاجز.

- يادي عاجز دي , إنتي ليه مصره تنكدي عليا.

- أنا كدة بنكد عليك... دة أنا بشكر فيك.

قلت ساخراً:

- بعد إيه.. بعد ما خدتي أعز ما أملك.

ظرت لي بإبتسامة كشفت عن نغزة في وجهها و إتجهت للباب صامتة,
خرجت دون أن تعير كلامي أو ندائي أي إنتباه...

إرتديت ملابسني و ذهبت إلى الشرفة لأجد غراباً آخر ميت في حديقتي ,
الغراب الثالث... أهو مغتصب آخر؟ لا يهم , إتجهت لفراشي و جاهدت
لأنتقل إليه ثم سرعان ما ذهبت في سبات عميق..

هناك شيء ما يطرق شيء ما... صوت طرقات على زجاج .. أين أنا, نعم
أنا على فراشي، إذا ما الذي يُطرق؟ و الأهم ما الذي يُطرق! بجهد كبير نقلت
جسدي على مقعدي المتحرك , إتجهت إلى الشرفة فهي مصدر الطرق, كلما
إقتربت كلما زاد الطرق و كثر عدد الطرقات , إقتربت أكثر لأجد اثنا عشر
غراباً ينفرون زجاج ضلفة الشرفة بعنف... اثنا عشر؟ كيف هذا! و لماذا
يطلقون شرفتي؟ نهضت و تحسست زجاج الشرفة لأجد نعيق أحد الغربان
من خلفي... إنتظر لحظة! هل نهضت!!

نظرت خلفي لأجد غراباً ضخماً يتحدث إلي قائلاً:

- حكمت المحكمة حضورياً على المتهم عصام الدين سعيد بالأعدام نقرأ.

لنتهال على رأسي آلاف النقرات من غرابان ضخمة لأستيقظ مفزوعاً...

وجد نفسي نائماً على مقعدي أمام فراشي , يبدو أنني نمت عليه كسلاً و
توفيراً لجهود الإنتقال للفراش ليلاً و العودة صباحاً, حسناً.. يبدو أن ما حدث
بيني و بين سارة بالأمس لم يكن سوى حلماً حمداً لله.. أكره أحلامي التي أرى
بها شيئاً له علاقة بسارة.. إتجت للشرفة لأطمئن على غرباني..

أحدهم كان ملقى على أرض الحديقة في بركة دماء صغيرة! إذا هو الثالث,
المغتصب الثالث! هذه الغربان لم ترى تربية.

بعد إفطار و قهوة و تصفح أتجهت للباب لأرى عن قرب القتل الذي يقبع
بحديقتي دون دفن, إحدى عجالات المقعد عبرت على شئ ملقى أرضاً, توقفت
ثوان.. نظرت لأسفل ثم نظرت أمامي في شرود و عدم تصديق, نظرت مرة
أخرى محاولاً تكذيب ما أراه و ما إستنتجته, لكن بلا فائدة.. مددت يدي و
رفعت صدرية سوداء أمام عيني و تذكرت ما حدث بالأمس! إذا هذا حدث
فعلاً, أسرعت بمقعدي لصعود الطابق العلوي.. كنت سأسقط من المنحدر
المخصص لصعودي أكثر من مرة لولا تحاملي على ذراعي و تحملي ألمهم..
أمسكت المنظار و نظرت للشجرة.. واحد.. إثنان.. ثلاثة... ثمانية! فقط ثمانية!
نظرت للغراب المقتول .. إنه آخر.. غراب آخر غير الذي رأيته أمس..
سمعت صرير باب الحديقة, نظرت بالمنظار لأجد الأفريقي ذو الملابس
السوداء و خلفه سبعة رجال يتشحون بالسواد.. ثمانية! إنتفضت أثر سماعي
رنين هاتفي فتوجهت إليه لأجدها سارة.. في الوقت المناسب.. أتمنى أن تصل
مع النجدة في أسرع ما يمكنهم.. فتحت الخط و فور وضعي الهاتف على
أذني وجدته تصرخ:

- إلحقني يا عصام, إيهاب عرف اللي حصل بيننا إمبراح, نزل و قال إنه
جايلك..

ببطء و عدم إستيعاب:

- و عرف إزاي؟

- معرفش, معرفش.

و إنهارت بالبكاء... أغلقت المكالمة و قلت بصوت مسموع:

- واحد عاجز زي, هيعمل إيه يعني.

و إتجهت للشرفة مرة أخرى.. رفعت المنظار إلى عيني.. راقبت الغربان..
سمعت صوت إقترام باب المنزل.. تذكرت.. الأنثى هي من تغوي
المغتصب.. أسمع أقداماً كثيرة تركض على الدرج.. ملابسهم سوداء...ريشهم
أسود..فستان أسود.. نظرت للتيشرت الذي يغطي جزئي العلوي.. كما
توقعت... إبتسمت لما إستنتجته و من ثم تحولت الإبتسامة لضحكات
عالية...محكمة...حكمت المحكمة على المتهم عصام الدين سعيد بالموت
نقراً...صوت تهشيم باب غرفتي, إلتفتت بالمقعد لأواجه ثمانية غربان
غاضبة... تقدم أحدهم قائلاً:

- بقى سارة تخوني معاك إنت .. يا عاجز.

إندفعوا نحوي و هوت نقراتهم على رأسي و جسدي و أنا أسمع نعيق الغربان
في الخارج...

يبدو أن المحاكمة أقيمت و تم إعلاني.. الغرباب الخامس.

- تمت -

(7)

سفاح

سفاح

كل شئ جاهز، كل شئ في مكانه، قد أعددت كل شئ بإتقان، أعلم أنى مذنب، أعلم أنى مجرم أستحق العقاب، لكن هذا أنا.. لا أعرف وسيلة أخرى للحياة ، هكذا أكون على قيد الحياة، نعم نعم.. سئمت سماع هذا، أنا شيطان، أنا دموي.. مختل، هيا بنا إذا لنمارس أختلالنا على هذا المحتال ، مازال فاقداً لوعيه، سيستيقظ في أي لحظة و يتفاجأ بأنه مقيد في هذا المقعد، سيرتعد من قيده، ثم من هذا البيت المهجور، ثم سينتفض عندما يجدني معه ، ثم سينهار عندما يرى سكينى الحاد..وفي كل مرة سأتلذذ بخوفه و هلهه و صرخاته المكتومة ، سأتلذذ بتقطيع لحمه و سيلان دمه، سأستمتع بصرخاته العالية بعد أن أضعف و أزيل الشريط اللاصق من على فمه، سأستمتع و أنتشي من بكائه و رجائه لي بفك قيده و تركه حياً، سأصل لأقصى لحظات المتعة و هو يعترف بأخطائه الكبرى و يخبرني أنه على إستعداد أن يصلحها، و هكذا أبداً في طقوسي الخاصة، بسكينى الحاد أرح خذه الأيمن برقم خمسة، و الأيسر بحرف الصاد، أفقاً عينه اليمنى و أتركه ينهار من الألم و من صدمة أنه لم يعد يرى نصف رؤيته، و الدم المخلوط بالسوائل البيضاء يتسرب من عينه مختلطاً بدم خذه، ثم بالسيخ الساخن أثقب طبلة أذنه اليسرى، و أنتشي من صراخه ألماً ، ثم أنهياره بعد إستيعابه فقد نصف حاسة السمع، و من منظر الدماء الداكنة التي ترحف كشلال يخرج من أذنه، كل هذا يفجر هرمون الأدرنالين و الدوبامين و السيروتونين بجسدي و يجعلني أشعر بالنشوة و أفقد سيطرتي فأدفن سكينى الحاد في صدره.. صوت تكسير الضلوع، اختراق اللحم و الرئة، صوت الحشرة و شهقات الموت و انسحاب الروح، تسرب الدم من جسده، ثم خروج الدم من الأنف و الفم.. قمة المتعة.. أتمنى أن يدوم شعوري بالمتعة أكثر من المرة السابقة فقد تلاشت السعادة حينها سريعاً..

ها هو يستيقظ، عجوز وحيد لن ينصدم أحد لوفاته و لن يفترقه أحد، ها هو بدأ في إستيعاب الأمر، يتمم بشئ ما.. في الغالب يستعيز من الشيطان، هل أنا شيطان؟ بالطبع لا ، أنا مجرد رجل بمتع خاصة، و إن مت سألقى في الجحيم بلا شك، ولا يوجد عندي أي اعتراض، فالجحيم خلق لأمثالي، سأنتمي هناك

لكل من يشبهني، الأمر يستحق العناء.. إقتربت من دائرة الضوء و ما إن
رأني العجوز ظل ساكناً لثوان و عينيّه تخترقا عيني بكل جراءة، أقسم أن
الخوف ضل طريقه إلى قلب هذا الرجل، نظرتة خاوية من أي مشاعر، و إن
كانت تحمل أي شعور فإنني أقسم أنها.. ثقة!

بدأ يتمتم بلغة غريبة ، لغة لها صدى شرقي لكنها ليست عربية بكل تأكيد،
بدأت عيناه تهتز و جسده يرتجف و صوته يتحشرج و يزداد غلظة و هو
يقول:

" يا بلعبول العظيم أنجدي، بحق بافوميت أعظم الـ.."

ما هذا الذي يقوله؟ سحر! هل إختطففت دجال! إن كنت أو من بتلك الخرافات
لمت رعباً الآن ، لكن لم ينجح هذا سوى في زيادة الادرنالين في دمي، السحر
الوحيد الذي أو من به هو سحر الدم و رائحته الذكية و مزاقه المعدني، هذا
الرجل ممثل بارع، جسده ينتفض و عينيّه تتحرك بسرعة، كان ليخدعني
حقاً.. يبدو أنه بارع في عمله كدجال.. لكني سئمت تراهاته و تمتماته،
يؤسفني أنني لن أمارس طقوسي هذه المرة فأنا لم أعد أحتمل ثرثرته الفارغة،
حسناً على الأقل سأستمتع بتقطيعه، رفعت سكينتي في الهواء و دفعت بها تجاه
صدره لأتوقف مذهولاً... نظر الرجل مثبت على يدي و فمه يحمل إبتسامة
جانبيه توشي بثقة شديدة! ما هذا! أليس لهذا الرجل مشاعر؟ قد أفسد أمسيتي
بما فيه الكفاية، ثقته لن تمنعني من قتله و الإستمتاع بتقطيعه، حركت يدي
بالسكينة لغرسها بين ضلوعه ... لكن! شئ ما أمسك بيدي! شئ غير مرئي!
عدة أيدي تقبض على يدي و رسغي و تدفعهم عكس رغبتني.. تشل يدي عن
الحركة تجاه العجوز!!

شئ ما يحدث.. شئ ما خاطئ.. الرجل هادئ تماماً داخل قيده و إبتسامته
الساخرة لم تغادر شفثيه و نظرة الثقة تعتلي وجهه ، ما هذا!! شئ ما يدفع يدي
و يتحكم في حركتها، شئ ما يدفع بالسكين إلى عنقي.. قوة لا أستطيع
مجابتها حتى بمحاولتي دفع يدي باليد الأخرى، حد السكين يقترب من عنقي
دون تحكم مني ، سنتيمترات قليلة و تخترق السكين رقبتني و تسقطني قتيلاً..
بيدي!

بكل ما أوتيت من قوة أدفع و أدفع لكن بلا جدوى، أخترقت السكينة جلد
رقبتني.. ها أنا أشعر بالدم يسيل و أشم رائحته المقرزة... مليمتر آخر و
تخترق السكين عرقي السباتي و ينتهي أمري.. أرخيت أعصابي إستعداداً...
لكن.. تحررت يدي!!!

ألقيت السكين بسرعة و كتمت الدم من رقبتى بكلتا يداي و أنا أحاول إلتقاط أنفاسي، نظرت للعجوز المقيد لأجده قد تحرر من قيده! و يقف معقود الذراعين و وجهه محافظاً على إبتسامته الواثقة التي أصبحت مرعبة.. ها هو ذا.. وجهاً لوجه.. بلا قيد.. بلا سكين! أنا الطرف الأضعف في هذه المواجهة بكل تأكيد، فبالرغم من فارق العمر إلا أن جسدي نحيل هزيل، و كان هو ضخم الجثة..

قال محافظاً على إبتسامته:

- رفاعي يا ابن وفاء، عايز تفقع عيني و تخرم ودني؟

ما هذا! كيف له أن يعرف ما كنت أفكر به؟ هل تخاريف السحر تلك حقيقية؟
أردف قائلاً:

- سراج نور الدين، فارس الشبل، داليا فرج، عبد الرحمن خالد.. و غيرهم و غيرهم.

كيف له أن يعلم بتلك الأسماء؟ لا أحد سواي يعرف عنهم شئ، قال من بين ضحكاته الواثقة:

- تعالى يلا إمسك سكينتك و كمل المجموعة، يلا زود غنايمك.. عجوز مخبول بيخرف.. سهل تقتله..

كلماته و جرائته و ثقته و إنعدام خوفه يخيفني، بل يرعبني، هناك جليد يجري في عروق هذا الرجل، إنقضضت بسرعة على السكين و كدت أن أصل إليها لأشعر بشئ ثقيل ضرب مؤخرة رأسي، و كان ذلك آخر شئ أشعر به قبل أن أحتضن الأرض..!

رأسي تؤلمني، صافرة منفرة مزعجة تخترق أذني اليسرى، وجمرات مشعلة تحرق عيني اليمنى، فتحت عيني وحاولت التحرك لكنني كنت مقيداً بإحكام، أنا مقيد مكان ضحاياي! هل عيني وأذني....!!!

إقترب العجوز حتى دخل دائرة الضوء، مازلت إبتسامته الواثقة تعتلي شفتيه، صرخت قائلاً:

- متعملهاش بطريقتي، إقتلني بأي طريقة تانية .. أرجوك ، أرجوك بأي طريقة غيرها.

و بدأت دموعي تذرف من عيني اليسرى فقط.. دون تحكم مني ليقول بهدوء:

- هو دة اللي هاكم؟ مش بطريقتك؟ عايز تموت ببصمة غير بصمتك؟
طيب.. أنا أصلاً مش عايز أقتلك..

إقترب برأسه حتى شممت رائحة كرائحة القبور الجماعية تنبعث من أنفاسه
فقال:

- و مش هقتلك.. أنا هسيبك كدة.

هذا الحل الأمثل، على أقل تقدير لن أموت بطريقتي، لن ينول أحد شرف
إستعمال طريقتي لقتلي، هذا قبل أن يكمل قائلاً:

- أنا هسيبهم يتغذوا عليك .

- مين دو...

قبل أن أكمل جملتي إندفع من الظلام أربع كائنات حمراء كجهنم ، عارية
الجسد ، لهم زيول طويلة مدببة و قرون سوداء تخرج من جبهتها، عيونهم
دامية طولية و أيديهم طويلة تنتهي بمخالب، فمها واسع يخرج منه أنياب
طويلة سوداء حادة إنغرس في لحمي..

لعاب هذه الكائنات حارق، أسنانها عريضة مدببة تنغرس بعنف و شهوة في
جلدي و لحمي، ألم لا يمكنني أن أتحملة، هم لا يأكلون ولا يمتصون الدم، فقط
يقومون بغرس أسنانهم في لحمي.. متسببين بصراخي ألماً و سيلان الدماء من
جروحي، ثم بمخالبهم الطويلة يخمشون و يجرحون و يمزقون جسدي، في
ثوان أصبحت مضجراً بدمائي و كل خلية بجسدي تؤلمني.. بدأت الرؤية
تخفت حتى إنعدم نصف مجال رؤيتي.. النصف الأيمن.. بدأت الصافرة تزيد
و تفتك بأذني و تهتك حاسة السمع لدي حتى كادت رأسي تنفجر ألماً، و فجأة
سكتت الصافرة و سكتت معها إذني اليسرى ، و فجأة كدت أموت من الألم..
صدري يخترقه شئ ما.. من الداخل.. شئ يخمش جسدي من الداخل محاولاً
الخروج، رثتي تتمزق.. ضلوعي تصرخ ألماً ،، جلدي يتمزق ، أظافر غليظة
أشبه بمخالب تخرج مني!! روعي تهرب .. عيني تخفت.. شئ ما يجبرني
على النوم. شئ ما يسحب و عيي.. أو روعي.

الأصوات بعيدة جداً، صداد فتاك يشج رأسي، آلام مستعرة بكامل جسدي،
أشعر به ممدداً على الأرض، فتحت عيني فلم أرى سوا الظلام، أين أنا؟
نهضت بصعوبة و تمشيت.. بعد عدة صدمات صرخت ألماً عليها عرفت ..
أنا في غرفتي.. أنا في المنزل أخيراً، مازالت أصوات ابواق السيارات
وصراخ الأطفال بعيدة، تمشيت إلى مفتاح المصابيح و ضغطت عليه.. نصف
الغرفة إنتشر فيها الضوء! لحظة..!

أنا الذي لا أرى سوى نصف مجال رؤيتي! وضعت يدي على عيني اليمنى و
ركضت إلى أقرب مرآة، عيني طبيعية! لم تفقاً! لكني لا أرى بها..! فرقت
أصابعي بجانب اذني اليسرى .. لا أسمع شيئاً.. لقد فقدت نصف حواسي!
وضعت يداي على رأسي محاولاً السيطرة على صداد كافر، ثم إنتفضت!
كشفت صدري بسرعة لأجد أثار جروح مطموسة.. بمعنى أدق.. أثار خمش
من مخالب شيطانية! لمحت بنصف رؤيتي المتبقي شيئاً على ذراعي، و ما إن
إتضححت الفكرة حتى هرعت أخلع ملابسي بالكامل، و إنهرت عندما رأيت
تلك الآثار المطموسة لجروح على المفاصل و أجزاء الجسم .. تماماً في نفس
المواضع التي أقوم فيها بتقطيع جثمانهم!

تمت

(8)

إسم الكتاب

لا تقرأ...

الحقيقة أنا إترددت جداً قبل ما أحكي، و مكنتش عارف أقول إيه و أبدأ إزاي، بس أستاذ رجب محروس نصحني، قالي متكسفش، و متخافش، إكتب اللي حصل بدون تفكير أو خجل، خليك صادق، و أنا هنا النهاردة عشان أعمل كدة.. أكون صادق..

على عكس الناس ما فاكدة.. أنا كنت قارئ رعب نهم.. بحب أقرأ كل أنواع الرعب لكل كتاب الرعب، و مش بس كتب، كنت بقرا مقالات، حوادث حصلت فعلاً و بسمع كمان قصص مسجلة و بشوف أفلام و فيديو هات.. كنت بعشق إحساسي بوقت ذروة القصة، كنت من عشاق الأدرنالين ..

لحد ما في يوم نزل رواية جديدة لكاتب الرعب الشهير حسين راشد ، مقدرتش أستنى و إشتريتها في نفس اليوم.. كنت متحمس جداً و مش قادر أصبر على قرائتها، و فعلاً، أول ما لقيت كرسي فاضي في المترو قعدت و فتحت الرواية و بدأت أقرأ.. و زي كثير من الروايات لقيت تحذير إن دي قصة حقيقية و إن ممكن يحصلك حاجات غريبة لما تقراه، و إن الكاتب غير مسئول عن اللي يحصل.. مهتميتش بالتحذير.. عادي، اغلب كُتاب الرعب بيكتبوا كدة كنوع من الجذب و إستفزاز القارئ الفضولي.. كملت قراءة عادي خالص و كانت رواية ممتعة و تشد، و بدأت أحداث الرعب ، و كان طول الرواية في تحذير من الكاتب على لسان الأبطال بعدم قراءة الطلاس ، و فعلاً برغم حبي للرعب ولا مرة حاولت أجيب عيني حتى ناحية طلسم في أي كتاب، عدت كذا طلسم و كملت قراءة، و فجأة و أنا في نص الأحداث حسيت أن حد ببيراقبني! و مش عارف إيه السبب في الإحساس دة بس معرفتش أتخلص منه لدرجة إني قفلت الكتاب و حطيته على رجلي و برضه مقدرتش أتخلص من إحساس إني متراقب، في حد مركز معايا، فضلت أدور بعيني بين الناس بس كل حاجة كانت طبيعية، سرحت و تناسيت الموضوع لحد ما شوفته، طويل، أسمر و هدومه مبهدلة، و عينه بتنور! شوفت كل التفاصيل دي برغم إنه كان في آخر عربية المترو و أنا كنت في أولها، باصصلي ، مركز معايا ، مبيعدش عينه عني، فضلت مركز معاه لحد ما خوفت و بصيت في حة تانية و أنا حاسس بعدم راحة من مراقبته ليا و إقتحامي...

وصل المترو للمحطة بتاعتي متحركتش ، فضلت قاعد لحد ما الباب قرب
يقفل و نزلت بسرعة قبل ما يقفل بلحظات، و بكدة ضمنت إني هربت منه..
إتمشيت لحد البيت و أنا مش قادر أتخلص من إحساس إني متراقب، لدرجة
إني كنت بمد و حاسس إن حد بيد عشان يلحقني، و لما قربت من البيت
طلعت أجري من الخوف، دخلت الشقة و أول ما أبويا شافني إتخض و سألني
مالك! كان باين إني مرعوب .. و ركنت الرواية من ساعتها.. بصراحة
مكانتش طالبة أي حاجة مرعبة ...

بعدها بكام يوم كنت نسيت اللي حصل ، لقيت الرواية عالمكتب ، مسكتها و
قعدت أكملها، صفحتين كدة لحد ما دخلت في الأحداث و رجع إحساسي إني
متراقب! في بيتنا! في أوضتي! إحساس غير منطقي .. أكيد قرائتي للرعب
فكرتني بالموقف دة.. بس فضلت حاسس إني متراقب، لحد ما في صفحة في
الرواية كان فيها رسومات عبارة عن دواير و نجوم خماسية و سداسية و
حروف و أرقام.. مفكرش إني شوفت حاجة زي كدة في أي رواية، برغم
إني عارف إيه دة كويس!

مركزتش فيها عشان عارف هي إيه... بس كملت قراءة الرواية، و أنا قاعد
على سريرري و مندمج في القراءة .. حسيت بنفس حد على رقبتني! إتنفضت
من مكاني و بصيت .. مفيش أي حد! بس.. بس أنا متأكد.. أنا أكيد مكنتش
بخرف.. سبيت أوضتي و خرجت قعدت جمب بابا قدام التلفزيون .. كان
بيتابع مصارعة حرة.. فضلت قاعد جمبه مرعوب.. بس التلفزيون شتت
إنتباهي و نساني الإحساس دة، لحد ما شوفته تاني.. أقل من ثانية.. كان قاعد
وسط الجمهور في التلفزيون باصصلي.. أحلف بكل حاجة إنه كان باصصلي
أنا مش للكاميرا اللي بتصور! بصيت لبابا يكون خد باله لقيته قاعد عادي و
كأنه مشافش حاجة غريبة.. و أنا خوفت أسأله.. فضلت متسمر جمبه خايف
أقوم أخش أوضتي، حسيت بحد جيه قعد جمبي..

الكنبة نزلت و خدت وضع جلوس.. جمبي.. بس مفيش حد قاعد! جسمي
إترعش و قشعر و لزقت في بابا اللي زعقلي و قالو الجو حر إبعد شوية..
خفت أقوله عالي قاعد جمبنا! سييته و جريت عالأوضة قفلت الباب عليا .. و
خوفت أكثر..

جريت على سريرري و إتغطيت زي العيال الصغيرة و أنا معرفش دة ممكن
يفيد بايه.. بس جسمي كان بيتنفض من الرعب.. سمعت الباب ببيتفتح و
صوت خطوات بتمشي في الأوضة.. صوت حد بيقترب عليا.. و الخطوات

وقفت قدام سريري.. و بدأ الشخص دة يشد اللحاف من عليا، فضلت أشد اللحاف و أحاول أخبي نفسي تحته و هو يشد قدامي لحد ما عملت عكس المتوقع و خرجت من تحت اللحاف..مفيش حد!

الأوضة فاضية و الباب مقفول و مفيش حاجة إتغيرت، إستغفرت و إستعذت من الشيطان و حاولت أهدا و أنام، غطيت وشي و فضلت شوية لحد ما عيني بدأت تروح في النوم، و فجأة حسيت بحاجة قاعدة فوق اللحاف! حاجة في حجم حيوان صغير.. أو بمعنى أصح في حجم و وزن قطة! حاولت أشد اللحاف و أتحرك تحته عشان تمشي لكن متحركتش! خرجت وشي من تحت اللحاف أبص .. مفيش حاجة زي المتوقع.. و إحساس إن حاجة قاعدة عاللحاف إختفى.. و طبعاً إحساسي بالرعب بيزيد..

غطيت نفسي تاني باللحاف و أنا رعدة جسمي بتزيد و جسمي متلج برغم إن الجو حر جداً.. و حسيت بيها تاني!

حاولت أتقلب و أتحرك عشان تخاف و تمشي لكن.. أنا اللي كنت بخاف عشان مبتتحركتش! رفعت اللحاف من على وشي بسرعة عشان ألحق أشوفها.. لكن برضه .. مشوفتش حاجة..

رفعت اللحاف و لسة بغطي وشي لقيت قطة سودة بتجري على وشي من تحت الغطا و بتضربني بإيدها و صرخت بصوت مرعب.. في أقل من الثانية! قومت مفزوع و جريت للصالة ملقتش حد.. كان بابا دخل ينام.. جريت عالمطبخ لقيت ماما مش موجودة.. معرفتش أعمل إيه جريت عالتلفزيون شغلت قرآن و فضلت قاعد مرعوب لحد ما روحت في النوم.. و بغض النظر عن اللي شوفته في الحلم إلا إني فجأة صحيت.. ثابت في مكاني و مرعوب بدون سبب.. خايف أتحرك حتى.. خايف أنتنفس.. رعب خام أكثر من أي مرة..

سمعت خبط في المطبخ خلى قلبي نط من جسمي، بعدين سمعت صوت أمي في المطبخ، هديت شوية و واحدة واحدة إتطمنت و قومت دخلت المطبخ أقف معاها عشان أتطمئن أكثر، قالتلي روح هات بطاطس من الخزين اللي تحت السرير، خرجت من المطبخ و دخلت الأوضة ، نورت النور و نزلت بجسمي تحت السرير، مديت أيدي و طلعت كام واحدة .. بعدين حسيت إن كل مرة الشنطة بتبعد عن أيدي أكثر.. دخلت برجلي أكثر تحت السرير و أنا بحسس

بأيدي، و أنا بحسس مسكت حاجة! فرو.. أو ممكن يكون شعر.. الحاجة دي أول ما مسكتها إتحركت! أنا مسكت قطعة...

صرخت و قومت أجري على ماما و أنا بقولها في قطعة تحت السرير.. كنت بتنفض و مش قادر أمسك أعصابي من الرعب.. و أمي بصتلي بقرف و راحت تبص على القطعة و هي بتلعن اللي ساب الباب مفتوح قدام القطعة عشان تدخل.. دخلت الأوضة و وطت و هي بتمد أيدها تحت السرير و أنا مرعوب عليها بس خايف أقولها حاجة عشان ممكن متلاقيش حاجة و تتهمني بالجبن و الجنون و تقول عليا إني...

فجأة سمعت صرخة أمي! صرخة عالية جداً خلت جسمي قشعر و أعصابي سابت.. جريت عليها حاولت أخرجها و بصعوبة خرجتها لقيتها ببتنفس بصعوبة.. متعصبة.. و بتشتتم!

بسألها في إيه لقيتها بتصرخ في وشي و هي بتقولي إن في فئران تحت السرير و إنهم كلوا من الخزين! و إن بسبب كدة حاجات كتير هنترمي! و أنا مش مستوعب.. فئران إيه؟ إزاي فئران و في قطعة! لقيتها بتقولي إستحالة يكون في قطعة لأن القطط و الفئران مبيتجمعوش في مكان واحد.. قالتلي ممكن أكون لمست فار و مستوعبتش كدة.. إفتكرته قطعة! هاودتها و قولتها ممكن.. بس أنا عارف كويس أنا مسكت إيه.. و الخربوش اللي على أيدي دة عارف هو من إيه...

عدت الأيام و أنا القرآن مبيفصلش من أوضتي و بحاول بقدر الإمكان مقعدش لواحدي، و في يوم و أنا نايم حلمت بقطعة بيضة دخلت الشقة غصب و أهلي عمالين يجروا وراها عشان يخرجوها برة عشان هي نحس و خطر عالبيت، لحد ما حبسوها في أوضتي و قفلوا عليها و أنا دخلت عشان أخرجها خوفاً على أي حد تاني من أهلي يدخل ليها، دخلتها و كل ما أقرب منها تخربشني لحد ما القطعة بدات تنطق! بدأت تتكلم! بقوة.. بغضب.. باللغة العربية مخلوطة بلغة غريبة.. و أمي أول ما سمعتها صرخت و قالتلي سكتها عشان دة سحر و هياذينا.. أنا معرفتش أسكتها إزاي، قعدت أضربها ضربات قوية و مكانش بيأثر.. بالعكس كان بيزيد من حدة صوتها.. معرفتش أسكتها إزاي غير إني حطيت أيدي على بوقها، و لما عملت كدة عضتني جامد.. و برغم الألم فضلت كاتم بوقها بكل قوة و هي فضلت تتكلم.. و صحيت!

صحيت لقيت حاجة نائمة على جسمي فوق اللحاف.. مديت إيدي لتليفوني و شغلت قرآن و أنا مرعوب و خايف أحرك جسمي.. ثواني و إحساسها إختفى.. قومت و دخلت المطبخ لما سمعت صوت ماما جواه.. أول ما شافتنني قالتلي روح هات بصلتين من تحت السرير عشان الأكل عالنار.. ثاني!!

مقدرتش أقولها لأ.. مشيت كام خطوة لحد الأوضة و فضلت واقف من برة.. خطوتين مترددتين و وقفت قدام السرير.. و خفت أنزل.. رجعت جري للمطبخ ملقتهاش هناك.. دورت عليها في الشقة لقيتها في البلكونة بتنشر الهدوم.. فقولتلها:

- ملقتش جوة شكله خلص.

- ملقتش إيه يا واد؟

- بصل يا ماما، مش قولتيلي خش هات بصل!

- و هعمل إيه بالبصل في البلكونة يا منيل؟

- !!!!، أنتي مش لسة قايلالي خش هات بصل عشان الأكل عالنار!

- إسم الله عليك يا حبيبي، أكل إيه اللي عالنار دلوقتي؟ و بعدين مش إحنا رمينا البصل عشان الفرن؟

- و ريحة الـ...!!!

- ريحة إيه؟

سيبتها و خرجت من غير ولا كلمة، رجعت الأوضة و شغلت القرآن، و فضلت قاعد.. حسيت بحاجة بتتحرك جمبي.. لفيت بسرعة بس ملقتش حاجة.. بس شوفت الرواية..

إفكرت.. التحذير بتاع الكاتب! إفكرت إن كل دة بدأ لما بدأت أقرأها في المترو! أرميها؟ لا لا لا مضمنش ممكن يبقى أسوأ.. الحل إنني أكملها للآخر.. مهما حصل!

مسكتها و قعدت عالسرير، ظبطت تليفوني يشغل القرآن كامل.. و فتحت الرواية.. بدأت أقرأه من الأول خالص.. بصوت عالي.. و رجع إحساسي إن في حد مراقبني.. في أكثر من حد مراقبني.. كملت قراءة و مهمنيش.. سمعت أصوات جمبي.. أصوات خبط و حركة على خفيف... مهمنيش و كملت..

حسيت بقطة جت قعدت على رجلي.. مش هبعد الكتاب عن عيني و أبص عليها.. هكمل.. صوت المروحة إتهزت.. مش هبص.. أنا هكمل.. حسيت بحد قعد جمبي.. هكمل.... حسيت بنفس حد على رقبتى.. هكملللل... إيد بدأت تلعب في شعري.. جسمي قشعر وإتنفضت.. بس هكمل.. السرير بدأ يتهز و يترج بيا.. الحاجة بتتحرك.. القطة وزنها بيزيد.. النفس بينهج.. أكثر من حد قعد جمبي.. الحركة اللي في الأوضة بتكثر.. في صوت تخبيط من السقف.. تخبيط عالي.. باب الأوضة بيتفتح.. صوت القرآن مش سامعه.. جسمي بيترج.. هكمل.. هكمل.. هكمل.. هكمل.....

وصلت لآخر صفحة في الرواية، لقيت مكتوب كدة:

" عذراً يا صديقي، لا أعلم ماذا فعلت لتقع هذه النسخة بين يديك، إنها نسخة وحيدة مدسوسة بين أعداد الرواية الرئيسية، و أنا حقاً أعتذر منك، إنها لعنة، كان يجب أن أجعل غيري يصاب بها كي تنحل عني، تأكد أنني أدعو لك دائماً، أن الآن مصاب بتلك اللعنة، ستظل هكذا.. تشعر بالقطة، تشعر بمن يجلس بجانبك، تشعر بمن يراقبك طيلة الوقت، تشعر بأنفاسهم على رقبتك و أيديهم على رأسك، تسمع أصوات.. تشم روائح.. ترى أشياء لم تحدث.. و الحل بسيط رغم صعوبته، إجعل آخر يقرأ القصة.. هكذا تنحل عنك و تصيبه هو حتى يقرأها غيره.. أسرع قبل أن تفقد شخصاً عزيزاً، فهذا ما حدث لي..
الله معك"

و هكذا يا صديقي القارئ، إذا وصلت لهذا الجزء في قصتي فتأكد أنني أدعو لك، أنا لا أعرف من أنت، لكني أعرف أنك سوف تعاني في الأيام القليلة القادمة، أعتذر منك .. كان يجب أن أستدرجك حتى تصل لهذه الكلمات، فكتبت لك عن الخامس، و روحية ، و سفاح قابل ساحر، و إذاعة ما وراء الطبيعة، كل هذا جزء من إستدراجك، و ها أنت تقرأ هذه الكلمات، و هذا يعني أن لعنتي إنحلت.. لتبدأ لعنتك أنت.. أشكرك يا صديقي.. أشكرك و أدعو لك.. و أنصحك.. إذا أردت أن تنحل عنك اللعنة ليس عليك سوى جعل شخصاً آخر يقرأ هذه القصة.. أسرع قبل ان تفقد شخصاً عزيزاً.. فهكذا حذرنى من قبلي.. و كذلك أحذرك.. الله معك.

تمت

(9)

لَعْنَةُ!

لعنة

قد يراها بعض الناس هبة، لكنني أؤكد لكم أنها نقمة، لعنة.. لعنة التوقع!

حسناً سأخبركم عن الأمر منذ بدايته، أنا أحمد عبد الله، كاتب رعب شاب، لاقت قصصي و رواياتي نجاحاً باهراً لم أتوقعه، و هجوماً دامياً على صعيد آخر، و السبب أنني أضع معلومات حقيقية بنسبة 100% ، لماذا؟ أقسم لك أنني لم أقصد هذا، و هذه هي لعنتي.. لعنة التوقع...

في بادئ الأمر أردت أن أضع قصصاً عن الجن و تحضيره، ليس إلا أن تلك القصص تلقى رواجاً كبيراً، و أردت أن أزيئها بطلمس مزيف لسببين، الأول أن الطلاس تزيد الأمر رواجاً و شهرة، و الثاني لأنني جبان!

نعم أنا كاتب الرعب الجبان الذي يخشى البحث عن طلسم حقيقي و محاولة العبث به، فألفت طلسم من خيالي و وضعته في الكتاب، و تم نشر كتابي الأول الذي لقي رواجاً سريعاً لم أتوقعه ، ثم بدأت.. هجوم من بعض أهل الخبرة و إتهامي بوضع طلسم حقيقي يهدد حياة القراء! لم أستوعب الأمر.. الطلسم من صنعي أنا.. لم أنقله من كتاب ولا مخطوطة! أنا من وضعت الحروف بترتيب معين ليصبح طلسم.. ما احتمالات أن تكون تراهااتي طلسماً حقيقياً ! للحقيقة هذه الحادثة زادت روايتي شهرة و زادتني شهرة، توالى عليّ دعوات البرامج الحوارية و المناقشات على مواقع التواصل الاجتماعي و حصلت على آلاف المتابعين.. و هكذا كتبت روايتي الثانية التي حرصت أن أضع في طلاسها شيئاً مضحكاً ليكون من المستحيل أن تكون حقيقية، و بسبب شهرة كتابي الأول لاقى كتابي الثاني رواجاً كبيراً فور نزوله..

و ما هي أيام حتى وجدت أحدهم يتهمني بتشويه سمعة والده رحمه الله الذي كان إماماً لمسجد، و موظفاً حكومياً، و أنه يقطن بحي المرج، و قد كتبت كل هذا بأدق التفاصيل.. مع ذكر إسمه ثلاثياً، و التشويه كان أنني كتبت أنه ليلاً يعمل ساحراً يقوم بأعمال سفلية..

و للمرة الثانية، شهرة، لقاءات، إعتذار رسمي و توضيح لسوء التفاهم و مبلغ مالي كتعويض ودي عن خطأي الغير مقصود، زادت مبيعات الكتابين..
فقررت كتابة الثالث...

كنت مصرأ أن أكتب أن الشخصيات من خيال المؤلف و أن الطلاسـم غير حقيقية، و أن أي شئ يشابه الواقع فهو محض صدفة لا أكثر.. و بسبب شهرة الكتابين لاقى الثالث رواجاً كاسحاً، و ما هي إلا أيام حتى وجدت هجوماً على كتابي الثالث...

كانت طريقة السرد في الكتاب الثالث هي طريقة المذكرات .. هكذا..

(الأحد 25 فبراير – الساعة الخامسة و النصف صباحاً)

المشكلة هذه المرة أن جميع التواريخ .. جميع التواريخ بلا إستثناء هي تواريخ سرقات حدثت في ميناء محددة من مواني بور سعيد! تواريخ محددة لسرقات محددة لميناء محددة.. ما احتمالات حدوث هذا! و هكذا تم إتهامي رسمياً بالمشاركة في هذه السرقات، و لولا المحامي الخاص بي لكنت قضيت باقي عمري في السجن.. بعد هذا الرواج للشهرة و الأموال التي حصلت عليها من المبيعات و الإستضافات الإذاعية و التلفزيونية حان موعد الكتاب الرابع!

كتبت لأول مرة مجموعة قصصية، و قبل البدء في أي قصة كتبت تنويهاً أن الشخصيات غير حقيقية، و الطلاسـم غير حقيقية، و أن الأحداث لم تحدث في الواقع ، و أن أي تشابه من أي نوع ما هو إلا مصادفة، و نوعت القصص بين الرعب و الإثارة و الغموض، و لم أطبع المجموعة.. بل نشرتها إلكترونياً.. و آخر قصة في الكتاب كتبت فيها قصتي مع التوقع الذي يصادف كل مرة أن يكون مطابقاً للواقع، و غيرت إسمي في القصة، و جعلت بطل القصة هو الراوي، و ها أنا ذا أجلس في غرفتي أكتب القصة و أفكر في نهاية لهذه القصة البائسة التي أحاول بها توضيح نقطة التوقع الصحيح لجمهور رواياتي بحيث إذا صادف أن تكون أي قصة في هذه المجموعة تتفق مع حدث في الواقع يفهم القارئ أنني لم أقصد ذلك و أن ليس لي أي يد في ذلك.. حسناً.. يجب أن أكتب نهاية للقصة.. فلا نهاية حدثت لي كي أكتبها هنا.. يجب أن أؤلفها.. حسناً حسناً النهاية المتوقعة..

أنهيت قصيتي و أرسلتها لدار النشر، و بعد أن أرسل لي مسئول النشر موافقة نشرها سمعت طرقة على الباب.. تحركت بثقل إلى الباب الذي لم يكف

الطارق عن طريقه للحظة.. فتحت الباب ليندفع شابان بداخل الشقة بدون مقدمات، أحدهم لكمني في فكي لكمة أسقطت نظارتي، و الثاني أظهر مسدساً مهدداً بقتلي إن لم أعتذر لدار النشر عن رغبتني في نشر الكتاب، و هذا ما فعلت.. قبل أن أسمع صوت إطلاق الرصاصة...

تمت

ها أنا قد أنهيت قصتي الأخيرة، حفظت الملف و أرسلته بالبريد الإلكتروني لدار النشر لأستلم رسالة مباركة من مسئول النشر في الدار .. سمعت طرقات على بابي.. يبدو أن الطارق عَجول، فلم يكف عن طرق الباب للحظة، عدلت من وضع نظارتي، سأنهض لفتح الباب ثم أعود و أنتظر.. من سيقوم بمهاجمتي على مصادفة جديدة كتبتها في المجموعة...

الفهرس:

إهداء.....	3
تنويه.....	4
الخالة يسرية	5
فيلم رعب	13
عم سيد الأزرق	22
روحية	33
لعبة	44
الخامس	51
سفاح	66
لعنة	73
الفهرس	77

الخامس

لا تقرأي فقد تصيبك لعنتي ٢

هذا الكتاب يحتوي على قصص ليست حقيقية
و لن تجد شياطين ولا جان حولك و أنت تقرأ
و هي خالية تماماً من أي طلاس حقيقية
و أبطالها لا يعيشون بيننا لأنهم من خيال المؤلف
و حتماً هذا الكتاب لا يحمل أي لعنة



محمد حسين, كاتب و مصمم جرافيك من مواليد القاهرة,
صدر له رواية البديل 2017 و المجموعة القصصية لا
تقرأي فقد تصيبك لعنتي 2018 و تعتبر تلك المجموعة
القصصية هي الإصدار الثالث له.

